

# *LINYALO NI TELEKANO*

 Halu inamiseñi litoho zaluna cwale fa nako nyana kwa tapelo. Ndate Yomunde Kakufitisisa, lu itumela ku Wena kakusasana cwana ka litohonolo la kuba mwa muyaho wo, lu nze lu talimani ni ze taha mwa lizazi la teni. Kono ha lu zibi seo lizazi li bulukile, kono lu ziba Yena ya sweli lizazi. Kacwalo lu lapela kuli Yena Ya sweli kacenu ni kamuso, ni Kuyakuile kaufela, uka lu fuyola kacenu sina ha lu kopani hamoho mwa Libizo la Hae, kuli lu kone ku ziba hande mwa ku pilela ni ku Mu sebeleza. Wo kona mulelo wa luna ka kutala, Ndate. Mulimu, Wena ya ziba lipilu za luna, uziba kuli ye ki niti. Lu ipa ili luna ku Wena, ni siemba se si taha sa—sa lizazi, kwa sebelezo ya Hao, ka Libizo la Jesu Kreste. Amen.

Ha muine.

<sup>2</sup> [Muzwale Branham ubulela ku yomuñwi kwa katala—Mu.] Ni itumezi. Yeñwi ki ye fa.

<sup>3</sup> Ki kakusasa omunde, sicaba se si bonahala ni se si sa bonahali mwahala naha kamukana ko mu lu utwela kakusasana cwana. Se si ni fa tohonolo yetuna ya kutaha kwanu ku to bulela fa tuto ye butokwa ye. Kwa sicaba se si bonahala, luli ki ku lyanganisa nyana, kakuli fapila ka fa kuna ni masila, mi Ni na ni kuambola kwa silyo ni kwa nzohoto. Mi kwa sicaba se si sa bonahali, Ni na ni muyaho kwa silyo saka, mi hape ni sibaka sa ku ezeza lipapali ze tiisa mibili kwa nzohoto ya ka; mi Na niinzifafasi, ni masila akwaluhile fahali, kupanga lizoho la ka la silyo ni lizoho la nzohoto. Mi lu inzi ka kutala, kakusasana cwana, mwahala muyaho, hamoho cwalo ni sibaka sa ku ezeza lipapali ze tiisa mibili, mi ni keleke hamoho cwalo, keleke ye fumaneha mwa mukwakwa o bizwa Eighth ni Penn Street. Ni mwa libaka ze tezi, lipangaliko za luwaile li isize mane kuyofita kwa libaka zeñwi.

<sup>4</sup> Lubile ni nako yende hahulu ku Mulena, mi lu mwatasa tibelelo yetuna kwa sebelezo ye kakusasana cwana. Mi busihu bwa kacenu kakuba nako ya kukwala kwa mazazi amane a mukopano aa, kiñi, kaniti lu mema mañi ni mañi kaufela, baba kona, ku toba kwanu. Lu sepa kuli Mulena uka lu fa bupahamo bo butuna ka kueza sesiñwi se si ipitezi hahulu, kuli mane A folise bakuli ni kueza lika zetuna zona Za ezanga kamita. Mi lu mwatasa tibelelo yetuna manzibwana a. Nyangela i amuhezwi ka tabo luli, mutu kaufela, keleke kaufela ya kopano kamukana. Mane ha mu lukeli kuba Mukreste; luna kaniti lu biza ba ezelibi kuli batahe, ba to ina mwahala luna. Mi lu eza ze lu kona hande kwa ku ba luta seo nzila ya Mulena ili sona, kuli lu kone kupila.

<sup>5</sup> Cwale Ni sepa kuli sicaba hasina ku ikalelwa. Mi Ni sepa Mulimu kuli Nina hanina ku ikalelwa, kakuli Ne ni bile ni busihu bo bunde hakalo, ku kata la ko kuñata. Kakuli Ni lemuha kuli litaba ze Ni bulela kakusasana cwana lika yo ni yemisa mwa Lizazi la Katulo, mi Ni—Ni palezwi ku lobala, mi Ni ziba kuli ha Ni sa li buleli ni ka yo buziwa mwa Lizazi la Katulo. Kacwalo ki nto ye tata, hamukoni ku li talusa.

<sup>6</sup> Mi cwale kakusasana cwana kona tuto yetuna yani ye lu bata ku ambola ka yona ya *Linyalo Ni Telekano*. Mi libaka le Ni ibeezi kuba sikolo sa la Sunda, ili kuli lu ambole ka yona ni kuya ka kuiketa, mwa sibaka sa ku kutaza sebelezo ka yona. Ki tuto ye zwelela mwa Mañolo.

<sup>7</sup> Mi Ni—Ni bata ku bulela kuli, haiba mukutazi kaufela kamba bakutazi, sibaka sifi kaufela, ko ku ka wela tepu ye mwa mazoho a bona, haiba lu ka lukulula tepu ye. Ha ni zibi se ika eza keleke ka sona. Ni kupa Muzwale Fred kuli abonane ni katengo ka keleke ba si ka lukulula kale tepu ye. Mi ku mina sicaba mwahala naha, mina baba itukiselize ku rekoda tepu, shangwe musike mwa i lukulula tepu yeo konji pili muutwe ku Muzwale Sothmann ka yona.

<sup>8</sup> Cwale, haiba ilukululwa ku ya, mi yomuñwi wa mizwale ya bakutazi ba ka, kamba Mukreste kaufela kokuñwi, ya si ke ku lumela ka litaba ze Ni bulela ka yona tuto ye, Ni—Ni sepa kuli mu si ke mwa I kananisa. Haiba nji ha mu I utwisisi ka mo Ni I lutela, ki hande, mu na ni tukelo ku seo, kakuba mukutazi, kakuba mulisana. Mi Ni kuteka sika kaufela se mu lumela.

<sup>9</sup> Mi kuna ni mihupulo ye mituna fa taba ye. Mi haiba kuna ni lipuzo zepeli, kuna ni yeñwi ya zona ye lukela kuba ye lukile, ku si cwalo hakuna nihaiba iliñwi ye lukile. Kacwalo lu ka lika kutalima fa Linzwi la Mulimu, kakusasana cwana, kwa ku feza taba ye. Ku na, haiba ki puzo ya Bibebe, konakuli Bibebe kaniti ina ni kalabo ya yona.

<sup>10</sup> Mi cwale onafa lu si ka ba kale ni ze, ili ku kalisa tuto ye, nitaluse, mane Ni si ka lapelela kale Linzwi, Ni bata ku zibahaza ku mutu ni mutu wa mina, kuli Ni...mina Bakreste sihulu, kuli Ni lakaza...Ni—Ni bata kuli mu ni lapelele kakusasana cwana. Mane ni kwande kwa sicaba se si sa bonahali se si teezeza kakusasana cwana, mu ni lapelele, kakuli Ni bata kuba ya sephahala mi wa niti.

<sup>11</sup> Cwale lu lemuha kuli, ka ku bulela litaba ze, mutu yomuñwi, haiba ki mutu alimuñwi fela, akumalele ku Zona inge kuli Ki mwahala bupilo ni lifu. Kuna ni babañata ba mina mo baba ka zwa inge mu lumela. Kakuli, buñata bwa mina, mwendi, hamuna ku lumela. Kono Na ziba, mwa bulumiwa bwaka, kuna ni batu baba tahanga ku to ni teezeza, ni ku teezeza ku se Ni na ni ku bulela; kuzwa, ki hande, ba teni ba inzi ona mwahali mo kakusasana cwana, ka mulelo, kuzwa kwa buñata bwa mwa

United States, Canada, ni kwa buse bwa mawate. Mi mwakona ku nahana mukatalo o si mi beya ku ona, kuziba kuli muuna yani bu kamuso bwa hae bwa Kuyakuile bu inzi mwa mazoho a hao, kakuli uka kumalela ku so ka bulela. Kacwalo Mulimu uka eza kuli ni yo ikalabela ka zona, mi Ni bata ku talima taba ye ka ku sephala mo Ni konela.

<sup>12</sup> Cwale Ni—Ni kupa likezeli za luna. Mi Ni cincize manzwi amañwi kuli Ni kone ku bulela fapila bona. Billy una ni mwa pokoto ya hae, kakusasana cwana, kwande kwani, litaba zeñwi ze sa koni ku bulelwa kwantu fapila—fapila sicaba se si kopani. Mi babañwi bao Ni bulela kuli hakulata ni mina, mu swanezi ku utwisisa. Mulinge sina ze zwa ku—ku muzwale wa mina, kuya ka mo Ni zibela hande. Ne mu ka ina mwa ofisi ya dokota ni ku teezeza ku yena, na ka bulela ka manzwi a utwahala hande ku mina. Mi babañwi ba ku mina likalibe ni mitangana, Hani lati kuli mube ni maikuto a fosahalile. Ni bata kuli mulumele, mi mane muine mukuzize. Muhupule, Niti i lukela ku bulelwa kakuba Niti.

<sup>13</sup> Mi, cwale, hakuna cwani kamba cwani ku kaba buñata bwa mina baba si ke ku lumelelana ni se si ka bulelwa, kono Ni bata ku si paka ku mina ka Bibe. Mi cwale Na lumela, haiba mu kaba ka likute mi muteeleza, kona kuli mu ka ba ni kutwisiso yende ni makalelo a se Ni bile ni nataka fateni, linako ze kaufela. Ni lumela kuli se si ka li toloka, mi Ni sepa kuli si ka peta.

<sup>14</sup> Cwale lwa kona kuba babanga nako yetelele luli, hola ni hafu, kamba mane mwendi ni kufitelela, ka se. Hani zibi butelele bo si ka nga.

<sup>15</sup> Mi cwale hape, Ni tabela ku bulela kuli, mwa nako ye, kuli, ka kuziba kuli batu ba latelelanga manzwi a hao; ba ezanga cwalo, ku mulisana wa bona. Mi, kaniti, Ni bile mulisana.

<sup>16</sup> Mi ba kumalela kwa manzwi a mulisana, mane inge kuli ki mwahala lifu ni bupilo. Ba kumalela kwa manzwi a baprisita ba bona, mane inge kuli ki lifu ni bupilo. Mi ka niti, mulisana, mwendi ni ka zeo kaufela aziba mwa ku ezeza, usweli ku luta sicaba ona cwalo fela sina mwa na latezwi mwa sikolo sa lituto za bulapeli; hakuna ku kakanya kono ona seo muprisita, hape, mwa bulapeli bo bu shutana bo buna ni baprisita. Kakuli, mulisana kaniti ki muprisita; ki muyemeli. Kacwalo, haiba nji muprisita, mwa litaba kamukana za lutilwe ku za hae, mwa sikolo sa lituto za bulapeli ni za bukutazi, muuna yani ka busepahali bo butezi uka bulela fela sa na lutilwe.

<sup>17</sup> Ki hande, he, Na hanina zibo ya sikolo sa lituto za bulapeli kamba ya bukutazi, mi hakuna se ni nyaza ka zona ni hanyinyani, kono Ni na ni bupilo bo bu ipitezzi luli.

<sup>18</sup> Ne ni bizizwe ha ne Ni sa li fela mushimani yomunyinyani. Mi ku zeo neli sisupo, se si bonahala sene si filwe ku na, neli—neli Siita sa Mulilo sene si lepelela mwa sicacani, ka lilimo ze

supile sa ku pepwa, ona kwanu kwa Utica Pike. Bo ndate ne ba belekanga ku Bo O. H. Wathen bona baba sa zo shwa cwanoñu nyana. Mi mu balile buka, mwa ziba likande. Mi kuzwa ka nako yani... Kwani kwa nuka se Si taha ka ku bonahala fapila sicaba. Mi cwale Si na ni siswaniso sene si kopilwe, linako zeñata, mi sibeilwe mwa Washington, DC, kakuba pampili ya muuso, mwa Muyaho wa Likwala za Bulapeli, kakuba Sibupiwa si nosi sa buipiteli sene si kile sa nyakisiswa ka sayansi ka ku swanisiwa; ona Siita sa Mulilo se si swana, ona cwalo mwa mubonelo o swana mi ka nzila ye swana, sene si zusize Isilaele mwa Egepita. Ni lumela kuli Ki Jesu Kreste mwa buino bwa Moya, mwa Bwana bwa Mulimu.

<sup>19</sup> Kakuli Na bizwa kuli “Mwana mutu” fani ha Na tile lwa pili, cwale U bizwa kuli “Mwana Mulimu,” mwa puso ya Mileniamu Uka ba “Mwana Davida.” Na tile ali Mwana mutu, ili Mupolofita, sina hane ku bulezwi ka Yena; cwale Ki Mwana Mulimu, mwa buino bwa bumulimu; mwa Mileniamu yo mutuna ye lukela ku taha, Uka ba Mwana Davida, uka ina fa lubona lwa Davida. Sina babali ba Bibele kaufela ha ba ziba kuli yani ki sepiso ya Bumulimu ni Mulimu, ku Davida, Uka zusa Mwana Hae kuli aine fa lubona lwa hae.

<sup>20</sup> Mi cwale mwa bulumiwa, bo bu ipitezi, Ni bizizwe kuba lika kaufela kuzwa ku “Mulimu” kutaha “ku diabulosi.” Mi sani, kona mo kubelanga kamita ona cwalo.

<sup>21</sup> Sani kona sa na bulezi kuna bishopu yomuhulu yo wa keleke ya Katolika busihu bobuñwi ona kwani, ngambolo neli kuli, yena na bulezi kuli, “Muzwale Branham, Joani Mukolobezi ka swanelo na itibahalize ili yena mwa Mañolo, kuya ka mo ne ku bulelezwi ki mupolofita Isaya.” Na ize kuli, “Bulumiwa bwa hao bu pakilwe hande mwa Keleke.” Mi ali, “Ma Lutheran ba teni mwa Bibebe.” Ki hali, “Ma Lutheran ne ba zibile Luther. Ma Wesley ba ziba Wesley. Kono ku cwañi he ka Mapentekota?” Ali, “Ba ikasanelia. Ha ba zibi kwa kuya.”

Mi se Nili, “Muñaka, Na itumela ka sani.”

<sup>22</sup> Mi neli ka yona nako yani Moya ha ne utilo wela kalibe yani, na si ka ni bona kale, musala hae...mi a bulela ni ku zibahalisa lika ze swana.

<sup>23</sup> Cwale, kuba ya sephahaha, fapila Liñusa le Ni bulela kakusasana cwana, Ha ni zibi. Ne ni mu bulelezi, Se nili, “Muñaka, Hani koni ku bulela cwalo. Yani ki taba yetuna ya ku bulela. I bonahala sina yona.”

<sup>24</sup> Nto iliñwi ye Ni ziba, kikuli kuna ni se si ezahalile, kaniti. Ona litaba ze kaufela, fela, ku pakilwe ka sayansi, ni ku pakiwa kupotoloha ni kupotoloha lifasi kaufela, ha i koni kuba litangu fela. Ki Niti. Ki sikamañi sani? Ni bulele kuli, ka kuipulela, Ni si ka bulela kale ku mina kakusasana cwana, Ha ni zibi. Mi ha Ni

koni kuba ni muzamao ufi kaufela konji Ni utwe ku Yena ya na nza bulelanga ku na mwa linako za kale ni ku ni bulelela lika ze.

<sup>25</sup> Muhupule, Mulena luna Jesu Kreste na si ka itibibahaza Iliyena kakuba Mwana Mulimu. Na bulezi kuli, “Mu bulezi kuli Ni ya cwalo; mi kona ze ne Ni pepezwi,” ni zeñwi cwalo, kono Na si ka itibahaza Iliyena.

<sup>26</sup> Mi, cwale, sani neli Siita sa Mulilo sene si etelezi bana ba Isilaele, neli Mulena Jesu Kreste mwa buino bwa Moya, (mwa lumela cwalo njii?), ona Lumonyi lo ne lu zwile ku Mulimu. [Puteho ili, “Amen.”—Mu.]

<sup>27</sup> Mi cwale ha Na li mwa lifasi, Na bulezi kuli, “Ni zwile ku Mulimu, mi Ni kutela ku Mulimu.” Luna kaufela lwa ziba cwalo.

<sup>28</sup> Mi kasamulaho wa lifu la Hae, kupumbekwa, ni zuho. Saule wa kwa Taresusi nali mwa musipili wa hae kuya kwa Damaseka, ku yo nyandisa ba—ba Bakreste, kakuli ne ba luta lika ze shutana ku ze ne ba lutilwe. Mi neli ndwalume yomutuna; mwatasa Gamaliele, alimuñwi wa baluti baba ipitezi mwa lizazi lani, mwa sikolo sa bona, miyaho ya bona ya bukutazi; mi muuna yomutuna, mi neli mupolisa wa keleke. Mi neli kwani kuli Liseli tuna lani, ona Siita sa Mulilo hape, sa mu wisezafafasi, mwahala musihali. Mi Linzwi la bulela kuli, “Saule, Saule, kiñi so Ni nyandiseza?”

<sup>29</sup> Cwale haiba mulemuha fani Paulusi, Saule, a nanuha, mi ali, “Mulena, Ki Wena mañi?” Cwale, mushimani yani, kakuba Mujuda, kaniti na si ke ku biza sika kaufela, kwanda kuli sibe sika se si supa Mulimu, na si ke ku si biza kuli “Mulena.” Kacwalo, Neli Siita se si swana sa Mulilo.

<sup>30</sup> Sina Jesu hana bulezi kuli, “Ni ya ku Mulimu. Ni zwile ku Mulimu, mi Ni kutela ku Mulimu.”

<sup>31</sup> Ki yani Nali fani, kukutela mwa buino bwa Siita sa Mulilo hape; Na ize, “Ki na Jesu Yo u nyandisa; mi ku tata kuli u lahake kwa miwayo.”

<sup>32</sup> Mi lu lemuha kuli fani Muapositola Pitrosi, ku yo linotolo ne li filwe za ku yaha Keleke, lu fumana kuli nali mwa tolongo, mi ona Siita sa Mulilo se si swana se ne si tahile ka lisipi, sa kwalula likwalo za tolongo, ni ku zusa Pitrosi, ka mukwa o ipitezzi, mane kusina nihaiba ku lyanganisa mulibeleli. Ku na, Ki Jesu Kreste ya swana maabani, kacenu, ni kuyakuile.

<sup>33</sup> Mi kamita mu ka ziba sika kaufela ka sibupeho sa sona. Sika kaufela si zibahala ka sibupeho sa sona, ka miselo ye si beya. Mi Ni mi kupa kuli mutualime mufuta wa muselo o Si beya, ona Liseli le ki Mulimu, kakuli Li kutela kwa Linzwi la Mulimu, mi lipaka Linzwi la Mulimu, likutaza Linzwi la Mulimu, mi Mulimu upaka Linzwi lani ka sifumu fapila mina. Ku lukela kuba sesiñwi mwa mulaho wa Lona.

<sup>34</sup> Batu ba ni bizize mupolofita. Na ha ni ipizi kuba mupolofita, kakuli Ne ni sa lukeli ku bulela cwalo, kono Ni na ni . . . Kuli, Na kona ku bulela cwana, kuli Mulena uni lumelelize ku bonanga lika, ku bulela lika ze ezahalile kale, ze ka ezahala, ze ezahala, mi hakuna nihaiba nako iliñwi fo likile za palelwa, mwa linako ze kona kueza mashumi a likiti kit. Liki kaufela za kile A bulela ku lika ezahala, li ezahalile. Kaufela luna lwa ziba cwalo. Haiba kuna ni mutu mwahala nyangela ye bonahala ye kakusasana cwana, kamba kai kaufela, a bulele kuli nako yeñwi ne ku palile, mu lukuluhile kuyema ni ku bulela cwalo. Kono haiba nji mutu kaufela wa ziba kuli nako kaufela, mwahala linako ze likiti kit, kubile hande ka kupetahala, mubulele, “amen.” [Puteho ili, “Amen!”—Mu.] Mwabona? Kacwalo sani sikaba taba yeswana mwa lifasi kaufela.

<sup>35</sup> Sesiñwi sibata ku ezahala fela. Mulimu ha lumangi lika ze kusina mulelo mwa mulaho wa zona.

<sup>36</sup> Ne ni sweli fela ku nahana kwanu. Ne ni li beile fa, yeñwi ya litaba zene ni ñozi. Ze Ni tinile kakusasana cwana, tubyana twa likunupo . . . Mi buñata bwa mina mu utwile ka za mubapali wa mafilimu yo, Jane Russell, mi mahe ki wa Pentekota; mi Danny Henry ki mwana likezeli za bo mahe, mulikana hae wa pili, ki mwana kezela bo mahe. Neli wa Baptist. Na yemi mwa mukopano, neli mukopano wa Baana ba Pisinisi mwa Los Angeles, California, lilimo zepeli ze fitile.

<sup>37</sup> Mi kona ha Ne ni sa zo bulela litaba, zetuna, ze mata hahulu; kuli mane nihaiba mutoneli, alimuñwi wa batoneli babatuna bwa kwa Assemblies of God, ataha kwa katala kuzwa fa ndandulo ya fa halimu fa na inezi, mi ki hali, “Hani lumeli kuli Muzwale Branham na talusa ona cwalo.”

<sup>38</sup> Se nili, “Ni lukela ku talusa cwalo, shangwe. Kakuli KISONA SA BULELA MULENA.” Mi, he, neli ka keleke mwa lusika lo.

<sup>39</sup> Mi ka yona nako yani, mutangana yo ya nali muuna wa pisinisi . . . Muzwale wa hae uinzi kwa . . . nali teni kwani inza kopa maswaniso a televishini kakusasana wani, muzwale wa hae yomuñwi ki—ki muzamaisi wa za mikwakwa mwa California. Mi Danny Henry ataha kwa pata kasamulaho mukopano ufela, fa katala, sina *cwana*, kone ku inzi baana kaufela, ataha ku to ni kambeka mazoho. Mi a bulela manzwi aa, “Muzwale Branham, Ni sepa kuli se ha si utwahali kuba kashwau, kono,” ali, “sani si kona kuzwa mwa kauhanyo ya 23 ya Sinulo.” Kanti, kuna ni fela likauhanyo ze twenty-tu mwa Sinulo. Mi ali, “Ni sepa kuli se ha si utwahali kashwau.” Na sina mukwa wa ku bulela ka ona . . . Cwale, mushimani yani the nali wa Baptist, mi nekusina sa na ziba ka litaba za buipiteli. Ni mazoho a hae ali ku ni kambeka, akala ku bulela ka mushobo usili.

<sup>40</sup> Mi hana felize ku bulela ka mushobo usili, neku na ni-ni musali yomukima, yo munsu yana inzi fa pata ku na, ki ha nanuha, ali, "Sani ha sitokwi toloko ifi kaufela." Ki hali, "Ni zwa kwa Shreveport, Louisiana, kamba, Baton Rouge, Louisiana." Ali, "Sani ki si French hande luli."

<sup>41</sup> Victor Le Doux, ya nali muuna wa mu French, ni yena na liteni kwani, ali, "Kaniti, Ni muuna wa mu French, mi sani neli si French se si petehile luli."

<sup>42</sup> Se nili, "Libelela fa muzuzu. *Wena u ñole sa bulezi*, mi ni *wena uñole sa na bulezi*, usika bulela kale sika kaufela. Nola sa na bulela, mi ha lubone zo ñozi wena." Mi kacwalo yomuñwi a ñola, ni yomuñwi a ñola ni yena, mane nihaiba lifelwani ni likuto ne li swana.

<sup>43</sup> Mi ka yona nako yani fela, hane ba tisize tupampili twani, mushimani yana bonahala hande, wa milili ye mifubelu ataha inza zamaya kuzwa kwa mulaho. Kakuli, ne ku sina sibaka kuli ainefafasi; na yemi kwa mulaho. Ki ha taha inza zamaya cwalo, ali, "Fa muzuzu fela, Ni tabela kubeya kapampili, nina." Mi ali, "Ni mutoloki wa si French ku ba U.N., United Nations." Mi ali, "Ni tabela kubeya kapampili kaka."

<sup>44</sup> Mi, ona fa, tupampili totulalu kaufela ne tuswana hande, twa si French. Mi ne ku bala sina cwana. A ki manzwi fa pampili ya pili o ni nani, kapampili kaka ngilwe kuzwa ku tonu. Ka ki kapampili ka Danny, kasibili, na ka beile mwa pokoto ya hae. Kakuli, ne kaile kwa Baana ba Pisinisi ya Sikreste, ni babañwi cwalo.

*Kakuli wena u ketile nzila ye kumbani, ili nzila ye tata;  
wena u zamaile mwa kuketa kua hao.*

*Wena u ungle keto ye lukile mi ye swanela, mi ki Nzila  
ya Ka.*

*Bakeñisa keto ye tata ye, siemba se si tuna sa Lihalimu  
si ku libelezi.*

*Ha ki keto kwa kanya ni yeo yo ketile wena!*

*Yona yeo ka yona kona ye katisa tulo yetuna mi yende  
mwa lilato la Bumulimu.*

<sup>45</sup> Cwale, muuna yani u ñozi libizo la hae fa. "Taba ye fahalimu ne itolokilwe ka...ki Danny Henry ka ku polofita kuama Muzwale Branham, yene filwe ka lipaki zetalu mwa sibaka sa kucela lico mwa Los Angeles, California."

<sup>46</sup> Cwale, yena mutangana ya swana yo yana file sipolofita se, asa zibi mane sa na bulela, nali mwa Jerusalema seli kweli ye felile. Na nani litohonolo la kuzwela fande ni—ni ku yo lobala mwa libita mo ne ku shwezi Jesu ni ku pumbekwa. Mi kacwalo ha na sa lobezi mwani, a bulela kuli se Ni taha mwa muhupulwa hae ka tukufalelo luli mi akala kulila. Ali, "Mo ku bezi tata

hahulu kuli Muzwale Branham ayemele ku lwanisa lifasi ni lika ze, ni likeleke kaufela!"

<sup>47</sup> Sina mo—mo ne ku bulelezwi hañwi ka yomuñwi, alimuñwi wa siemba sa ba Billy Graham, naize kuli, "Lwa kona kubona Billy Graham, kakuli likeleke kaufela li swalisani hamoho ku yena. Lu bona Oral Roberts, ba Pentekota. Kono kana lu kona cwani kuba ni sika kaufela, kanti Li lwanisa ze ba lutilwe batu?" Ki Mulimu.

<sup>48</sup> Mi, Danny, sa ezanga kwa kuzusa bulutu, upanganga tumacwe totunyinyani. Na ile kone ku beilwe Sifapahano, kone ba bulezi kuli Sifapahano ne si inzi mwa licwe. Nekusina ya na liteni, kacwalo a ketula kaemba nyana ka licwe mi a ka beya mwa pokoto ya hae kuba kupuzo, akuta kwa ndu a to ni pangela likunupo zepeli fateni. Mi, ka buenyi, fani hana lipangile, ne li bonahala kuba ze tampakaní mali. Mi mwahali a zona mwani, mwa zwelopili, kuna ni ka nzila, ka kasisani kaka bonahala mwahala zona zepeli cwalo. Cwale sani sikona kuba fela... Mwaboma, mutu yomuñwi hakoni ku lemuha cwalo, kono ku na ki lika ze zamaeleta ni lika ze Ni lumela. Ni lumela kuli lika kaufela lina ni taluso kwatenei.

<sup>49</sup> Mi cwale, mwa nako ye, kaufela seo Mulena una... Haiba se ha ki sona sa Na polofitile, ka Malaki 4 mi hape ni mwa Luka 17, ni amañwi Mañolo amañata alukela ku ezahala mwa lizazi la maungulo le, mutuhele Ni bulele cwana ka kukwala, li beile mutomo wa mutu ha ka taha. Kacwalo Ni itumezi hahulu kuli Mulimu Yamata kaufela, haiba kuba ka nzila yani, ani lumeleza kueza taba yeñwi ye likani, mwa buino bwaka bwa ku sa ituta, ili ku bonisa buitumelo bwaka bakeñisa lilato la Hae ku na, lilato la ka ku Yena, ni lilato la luna kwa sicaba.

<sup>50</sup> Kacwalo, ka ku sepahala, Ni talima tuto ye ya *Linyalo Ni Telekano*. Mi Mulimu a lu utwele makeke luna kaufela.

<sup>51</sup> Mi cwale muteeleze ka tokomela. Mi, likezeli, musike mwa nanuha ni kuzwela fande; muine mukuzize fa nako nyana fela. Mizwale, mueze ze swana. Musike mwa tima lilimba za mina kwande kafoo, mina baba lu teezeza kwa mawaile. Musike mwa eza cwalo. Muine fela mukuzize ka mizuzu yelikani, kufitela i fela. Muteeleze hande. Haiba mupalelwa ku lumela, muñole Mañolo e Ni itusisa, mi kipeto mu abalisise ka tapelo musika panga kale buiketelo.

Mulimu, lu tuse ha nze lu lika ku sutelela tuto ye.

<sup>52</sup> Cwale, ikona kuba yetelele nyana. Hani tokwi kuli mu be mwa lubilo ni hanyinyani. Mi muine ka kuijeta fela, kaufela luna, mi mubale Linzwi la Mulimu ka tokomelo, ka niti mi ka swanelo, sina mo lu zibela mwa ku Li balela.

<sup>53</sup> Halu kaleleni ka Muñoli Mateu, kauhanyo ya 19. Mi lu kale, Ni sepa, fa timana ya 8 ya kauhanyo ya 19, Ni tabela ku kalisa.

Na kona kukala hape ka ya 1, ni kubala ku shetumukela fa timana ya 8 ya kauhanyo ya 19.

<sup>54</sup> Cwale, muhupule, lika ze Ni bulela ze li lukela ku zwelela mwa Linzwi la Mulimu. Hakoni kuba minahano wa ka fela, kakuli muhupulo wa ka uswana fela sina wa mutu yomoñwi. Kono u lukela kuba mwa ku zwelapili kwa Linzwi la Mulimu. Muhupule, Mulimu ubuluka lika kaufela mwa zwelopili. Yena ha cinci. Ki ya swana maabani, kacenu, ni kuyakuile. Kana mwa lumela cwalo? [Puteho ili, "Amen."—Mu.] Yena wa swana.

<sup>55</sup> Cwale Ni ka bala fa kuzwa mwa kauhanyo ya 19.

*Mi se ku to ezahala, kuli Jesu hana sa felize litaba zeo, a zwa mwa Galilea, mi ataha kwa likamba la Judea mwa buse bwa Jordani;*

*Mi undi wa nyangela wa mu latelela; mi a ba folisa . . .*

*Bafalisi hape ba taha ku yena, ku to mu lika, . . .*

<sup>56</sup> Ni ciñeka fo pili kuli muutwe tiisezo ku bene ba Mu lika.

*. . . bali ku yena, Kana ki swanelo kuli muuna a lukulule musala hae ka mulatu kaufela?*

*Mi a alaba ali ku bona, Kikuli ha mu si ka bala, kuli yena yana ba ezize kwa simuluho na ba ezize muuna ni musali,*

*Mi ali, Ka bakaleo muuna u ka siya ndatahe . . . mahe, mi uka kumalela musala hae: mi bababeli cwalo ikaba nama iliñwi?*

*Kabakaleo ha ki bababeli, kono ki nama iliñwi fela. Sa kopanyize Mulimu hamoho, mutu a si ke a si kauhanya.*

*Ki ha bali ku yena, Ki kabakalañi he Mushe hana laezi kuli bafiwe liñolo la telekano, ni . . . ku mu leleka?*

*Mi ki hali ku bona, Mushe neli ka kutatafala kwa lipilu za mina hana mi lumelelize ku lukulula basali ba mina: kono kuzwa kwa simuluho ne ku si cwalo.*

Cwale, Mulimu, lu tuse.

<sup>57</sup> Liñolo le, puzo ye, ne ibuzizwe ku Jesu kwa makalelo a bulumiwa bwa Hae. Mi ne ibuzizwe ni Mushe kwa makalelo a bulumiwa bwa hae. Ki puzo ya pili mwa lipilu za balumeli. Muezalibi ha na taba. Kono ki kwa balumeli, kakuli mulumeli ulika ku eza kaufela za ziba ku eza kuli apile ka kuluka fapila Mulimu. Kabakaleo haiba, puzo kaufela i taha ka litaba za bulapeli, kona kuli taba ya *Linyalo Ni Telekano* ya taha mwateni, (kiñi?) kakuli kona makalelo a tatekile sibi. Kwani kona ko ne ku kalezi sibi. Mi lani kona libaka ha ibuziwanga nako ni nako, kakuli kona makalelo luli a sibi.

<sup>58</sup> Cwale Ha ni na kuba ni nako ya ku tatulula lika ze kaufela, kono Ni kaba ya table ku alaba liñolo la mina kamba sika kaufela se Ni kona. Kamba, luna ni libuka ze ñozwi ka zona, ni

lipuzo zeñata, mane nihaiba likalulo zeñwi mwa mitende ni lika zeñwi kwanu, ili ku paka taba ye, lu ziba kuli neli Eva (Apule yana lukela kuca, zeo mane ze siyo ni mwa Mañolo, cwale ba ipapata neli apule ya mazwake; ne kusina ni yeñwi ya zona.), na ezize boozwa, sani kona sene si tisize mwana wa pili, yani neli Kaine, mwana Satani kasibili, kakuli ku yena ki mo ne ku inzi bumaswe. Ne i sika taha ka Abele. Mwana Satani ya mu paka luli neli Kaine.

<sup>59</sup> Na ziba puzo ya mina cwale, “Eva naize, ‘Ni amuhezi muuna ya zwa ku Mulena.’” Yani ki niti luli.

<sup>60</sup> Mwa kona kunga musali wa litanya ka kufeleleza mwa tolopo, muuna ya maswe hahulu; ha na kaba ni mbututu, mwana yani ki ya zwa ku Mulena, kakuli Mulimu una ni milao ye beilwe hamoho. Mi milao ye, sina lizazi fa kupazula; mu beya peu mwa simu yende, ika mela. Mi i lukela kuhula, kakuli ki mulao wa Mulimu. Mi peu ha i cezwi, i lukela kuhula. Mi hakuna se si kona kutahisa bupilo kwanda Mulimu, kakuli bu beleka mwatasa milao ya Hae. Mi kabakaleo peu ye maswe hane i cezwi mwa mba ya—ya Eva, ne ina ni ku beya, kakuli ki mulao wa Mulimu wa kupepana. Mi ne ku sina sene uka eza si sili fela, mi ne buna ni kuzwa ku Mulimu.

<sup>61</sup> Lani kona libaka batu ha ba bulela kuli, “Limbututu zenyinyani,” fokuñwi, “ki ya si ka pepwa ki bashemi ba Sikreste, ba latehile.”

<sup>62</sup> Mali a Jesu Kreste akenisa mwana, Hanina taba kamba na pepilwe cwani ka bumaswe. Yena ki Ngunnyana ya Mulimu ye takula sibi sa lifasi. Mwana yo munyinyani hakoni ku baka, kakuli haana za lukela kubakela, mi sani neli sibi sa lifasi sene si takulwa ka Mali a Kreste. Limbututu za yanga kwa Lihalimu.

<sup>63</sup> Kona sibi sa sizwalo, mi kona libaka ha—ha kuna ni puzo ya teni. Mi sika se si makaza ha si taha kuzwa ku Mulimu, kuama taba ya makalelo: “Ku cwañi he ka linyalo ni telekano?” Cwale, sina kamita, isali puzo mwahala sicaba. Sina mo ne kuinezi mwa linako za Jesu, sina mo ne kuinezi mwa linako za Mushe, kubile cwalo kamita, mi ku cwalo kufita ni lizazi le, ki puzo mwahala sicaba, kakuli batu ba bata kuziba Niti.

<sup>64</sup> Kono kaufela ko kuna ni puzo, ku swanezi kuba ni kalabo hape. Mi cwale kakuba kalabo, sina ha Ni bulezi sapili, sunda ye, ku swanela kuba kalabo yelukile. Mi haiba luna ni kalabo kwa sika kaufela, mi haiba—haiba ha i sika luka, kona kuli lu ziba kuli ne i fosahalile. Kono ku na ni, muka zwelapili ku buza kufitela puzo ya niti i alabiwa, haiba mu bata ku ziba Niti. Kono ka kuba kuli ye ki puzo ya Bibele, ku lukela kuba kalabo ya mwa Bibele.

<sup>65</sup> Kuswana sina mo Ni bulelezi, haiba ne Ni bata kuya kwa upa kakusasana cwana; mi taba yende ye Ni ziba ka zona, Ne ni ka fumana sibaka sesiñwi mwa simu, mi kwani i lukela kuba

kwa upa luli, mi Ni ya kwa upa. Yomuñwi naize kuli, “Muzwale Branham, *kwa* kona kwa upa.” Ki kwa upa, ka manzwi amañwi, kono ki kwa upa wa mutulo. Ne ni ka fitelela sika sene Ni bata; Ne ni ka kuta, ka kuziba kuli ne ku fosahalile. Mi haiba mutu yomuñwi hana kali, “Muzwale Branham, zamaya ka nzila *ye*, kwa silyo sa hao.” Cwale, kwani ki kwa upa ka manzwi amañwi, hape, kono ki kwa upa wa kwa mboela. Ne ni ka latehelwa ki sika se Ni bata, kakuli Ne ni ile kufitelela miseto ya nzila *ye* lukile mi ye swanela.

<sup>66</sup> Cwale, haiba seo si cwalo, luna ni minahano ye mibeli ka za *Linyalo Ni Telekano*. Mi yani ki kuli, omuñwi wa yona ubulela, kuli, “Muuna ukona fela ku nyala hañwi, konji haiba musala hae ushwile.” Mi yani ki yeñwi ya lipuzo, kono, ha mu ka latelela sani, mu ka lateha. Mi cwale wo tatami ki wa kuli, “Oh, haiba nji mufumahali kamba muuna, alimuñwi wa bona, ha ezize boozwa, yomuñwi wa bona bababeli wa kona ku lelekiwa ni ku nyala hape.” Mu ka ipumana kuli mu ka lateha ka zani.

<sup>67</sup> Kacwalo, mwabona, ha ki upa wa kwa mboela kamba upa wa kwa mutulo; lu bata kunonga kwa upa. Muka zwa mwa Mañolo ha mu ka ya ka nzila *ye*, mu ka zwa mwa Mañolo ha mu ka ya ka nzila *yani*. Lu bata kuziba fo Liñolo hali kopana ni Liñolo, ni kuziba kuli Niti ya teni. Yeñwi kaufela i lwala nzila ye shutana, ni ku palelwa kutisa kalabo ye kenile, kono niteni ku swanezi kuba kalabo ni teni.

<sup>68</sup> Ku swana sina, kacenu, kuna ni minahano yemibeli ka tuto ya mwa keleke; ulimuñwi wa yona ki Kalbini, mi omuñwi ki Armin-... Arminianizimu. Ulimuñwi wa yona ki wa mulao, omuñwi ki wa muhau. Mi lu fumana kuli batu baba lumela mwa muhau, ma Kalbini, ba bulela kuli, “Kufuyolwe Mulimu, ha si ni fi mulatu ha ni zuba. Ha si ni fi mulatu ha ni nwa. Na kona kueza lika ze, Ni na ni silelezo ya Kuyakuile.” Mi lu fumana kwa neku leliñwi, kwa neku la milao, bali, “Oh, Ni ka mu lindula, Ni ka mu bonisa siemba sa minahano wa ka, kono, Ni Mukreste, Ni lukela kuina ni kuzize.” Mwabona, muka ipumana muli mwa linzila ze shutana, mi kanti hakuna ni ulimuñwi wa yona o lukile. Cwale, sani si tata fa ku bulela cwalo, kono ki yona niti.

<sup>69</sup> Lu ipumana mwa mikwakwa yemibeli ye shutana; omuñwi uya ka nzila *yani*, omuñwi uya ka nzila *yeñwi*. Cwale ha lu boneñi Niti yateni.

<sup>70</sup> Cwale muteeleze, mi mubone haiba se si utwahali hande ku mina. Ka mutala, haiba Ni ka itukisa kuya kwa buse bwa mawate. Mi Ni ka lwala lubasi lwaka. Ni ka biza musala ka kuli aye ni na, mi Ni kali, “Lu ka ya-... Ni ya kwa buse bwa mawate, mulatiwa.” Cwale ki le neku la mulao, “Cwale, musala ka, Na ku siyala mulao cwale! Haiba uka ya ka muelembu ni muuna usili ha Ni sa ile, ha Ni ka yo kuta ukaba musali ya lukuluhile. Mi ha Ni lati kuli ubilaule meeto a hao, hani tabeli mielembu ya

hao! Wa utwisia nji? Ni muuna hao! Ha uka eza cwalo, Ni ka ku leleka ha Ni ka yo kuta.”

<sup>71</sup> Mi kipeto musali wa ni ñomela mwa tai, ni ku bulela kuli, “Muuna ka yomunde, Ni bata kuku bulelela taba yeñwi, mwabona, mwabona, kuli haiba uka eza meeto meeto ku musali ufi kaufela, kamba ku yo yauluka ni musali usili, kamba muelembó ni musali usili, u ka ba muuna ya lelekilwe ha u ka yo kuta.” Cwale, kana halina kuba lapa le li tabile lani? Bani ki ba milao. Ku lukile.

<sup>72</sup> Cwale, siemba sesiñwi ki cwana, kuli haiba Ni ya kwa buse bwa mawate mi Ni yo fosa... Ni ya ku yo bulela kuli, “Cwale, talima, Ni ka ikungela musali *yo* ni zamaye ni yena. Oh, ku i ketile ku musala ka, hana taba.” Musala ka u kali, “Ni ka zamaya ni muuna *yo*. Ku i ketile ku Bill, hana taba.” Haiba nji Hanina taba, kona kuli kuna ni se si fosahalile ku na; Hani lati musali yani hande. Mi haiba musali hana taba, kuna ni se si fosahalile ku yena. Yena ki musala ka; Hani lati muuna usili ku mu bapalisa ka bukuba. Ki musala *ka*.

<sup>73</sup> Cwale, taba ye lukile yateni ki, kuli, sibeli sa bona bana ni niti, kono isiñi Niti ya luli.

<sup>74</sup> Cwale ha Ni ka ya kwa buse bwa mawate, kwa ku ibisa kuba ye lukile, lubasi lwaka lo lunyinyani lwa kopana hamoho, mi lwa lapelelana ni yomuñwi. Mi Na ba beya ku Mulimu, ni bona ba ni beya ku Mulimu. Mi cwale ha lu eza cwalo, lu ya kwa buse bwa mawate... Na ya kwa buse bwa mawate. Cwale, Ni ziba kuli musala ka wa ni lata; Ni na ni sepo ku yena. Mi Na mu lata; una ni sepo ku na. Ibile fela Na mu lata sina cwalo, hana kuba ni pilaelo ka na ya ku zamaya ni musali usili. Ibile fela wa ni lata hande, kiñi, hakuna tuso ya ku nahana kuli uka zamaya ni muuna usili, kakuli ki musala ka mi Na mu lumela.

<sup>75</sup> Na lumela, haiba Ne ni ka eza sika se si fosahalile, kueza mafosisa a ku zamaya ni musali yomuñwi, mi ha ni kuta ni to ipulela ku yena, ni ku mu bulelela kuli, “Meda, Ne ni sa talusi kueza cwalo. Ne ni swasehile fela mwa katwa; musali yo kipeto wa ni matela ni—ni ku ni swala kwa lizoho, ni kukala sa *kuli-ni-kuli*,” Ni lumela kuli uka ba ni kutwisiso. Ni lumela kuli u ka ni swalela ka zona. Kono ha Ni na kueza sani, kusina mulatu, kakuli Na mu lata. Ni ha ka ni swalela, Ne ni sike kueza cwalo. Ha ni lati ku mu utwisa bumaseswe, kusina sesiñwi. Ni ha Ni ziba kuli wa kona ku ni swalela ka zona, Hani lati ku mu utwisa bumaseswe.

<sup>76</sup> Mi kona mo kuinezi ni ku Mulimu. Haiba Ni...haiba lilato la *phileo*, lelili lilato la butu, lilato la ku kopana, likona kueza muuna kuikutwa cwalo ka musala hae; ku cwañi he ka lilato la *agapao*, linzwi la si Gerike leo litalusa “lilato la Mulimu,” kana sani si ka ni ezisa cwani kueza sani ka Jesu Kreste? Na, ibile fela Ni bata ku yo eza sani, si mwa pilu yaka kuli ni si eze! Kamba...

Ni li, ibile fela si mwa pili ya ka kuli ni si eza. Ni ka yo si eza. Tamo ya mulao haina ku ni lumeleza ku eza cwalo, kakuli Ni ziba kuli Ni ka fiwa koto ka kueza cwalo. Kono Niti ye sephahala ka zona ki kuli, ki fo lilato la Mulimu ha litaha mwa pilu ya hao kufitela *ubata* kuli u Si eze. Yani kona Niti yateni. Yani kona milelo yateni. Isiñi tamo ya mulao kamba yeñwi, kamba bu Kalbini, ki zepeli cwalo.

<sup>77</sup> Cwale lu fumana cwana kacenu, hape, kuna ni likopano zeñata ze shutana. Kuna ni keleke ya Katolika, keleke ya Baipanguli. Yeñwi ni yeñwi ya zona i bulela kuli ki yona Nzila, mwabona, "Luna ni Nzila, ki luna Niti." Kuna ni ba Methodist, bali, "Luna ni Niti." Ba Baptist bali, "Luna ni Niti."

<sup>78</sup> Ki hande, ku na, ibile fela baikutwa cwalo, ha ku cwalo, kakuli Jesu na bulezi kuli, "Kina Niti." Mwabona?

<sup>79</sup> Kabakaleo, sina kutazo yaka busihu bwa maabani mo ne ibezi, kuli Yena ki yena sibaka ko Mulimu na beile Libizo la Hae, sibaka sinosi fela kwa ku lapela. Haubi Mukreste kakuli u Muipanguli. Haubi Mukreste kakuli u wa Katolika. Haubi Mukreste kakuli u wa Methodist, Baptist, kamba Pentekota. U Mukreste kakuli u kolobelizwe ku Jesu Kreste, ka Moya o Kenile, isiñi ka mezi. "Kuna ni Tumelo iliñwi; Mulena alimuñwi; kolobezo iliñwi," yani ki kolobezo ya Moya o Kenile. Kolobezo ya mezi imikenya mwa kopano. Kolobezo ya Moya o Kenile imikenya ku Kreste. Yani kona Niti.

<sup>80</sup> Luna ni hape minahano ye mibeli fa *Linyalo Ni Telekano*. Cwale, sani, Mulena luna ukwaluzi kunutu ya Liswayo se Supa za Linzwi la Hae ku luna, mwa mazazi a maungulo a. Cwale, buñata bwa mina, pulelo ye ikona kuba Sigerike ku mina, kono keleke ya ka ya utwisisa. Ka sikamañi? Mi mu utwile ka za lipono ni ze ezahalile. Mi puzo ki puzo ya Bibebe, lu memilwe kwanu kuli lu lumele ku lukela kuba kalabo ya niti kwa kunutu kaufela ye patilwe kuzwa kwa simuluho ya lifasi. Mi Bibebe ya polofita kuli ni ku bulela kuli mwa lizazi le likunutu lika zibahala. Sinulo 10, "Mi ka mulumo wa lingeloi la bu sebene, mulumiwa wa Laodesia, likunutu za Mulimu lika zibahala." Mi lo ki lusika lwa mafelelezo, ili lwa Laodesia.

<sup>81</sup> Mutualime ancafazo ye zamaile mwahala lilimo ze lishumi ni ze ketalizoho kamba zeñata cwalo, mi hakuna kopano nihaiba iliñwi ye zwile mwateni. Luther nana ni ancafazo, ne ku zwile kopano; Wesley, ne ku zwile kopano; Alexander Campbell, ne ku zwile kopano; babañwi kaufela babatuna bani... John Smith ni babañwi cwalo, likopano, Moody, kaufela ni bona. Kono fa ku bile yeñwi... Kamita ancafazo iinanga fela lilimo zetalu. Kono ye ibile i zamaya seli myaha ye lishumi ka ye ketalizoho, mi hakuna nihaiba kopano iliñwi ye tumukile mwateni ku yona, kakuli ye ki nako ya Peu. Hakusana sikapi hape; kasamulaho sikapi sa pili simana kuya, iba Peu.

<sup>82</sup> Mulimu uitukisize, haiba Ha ezi cwalo nako ye, Uka bizeza Keleke kwa kupetahala ka Linzwi la Hae, Jesu Kreste. Mulemuhe, ku lukela kuba kalabo kokuñwi, mi kakuba Sani, kunutu ya maswayo a supa ya Mulimu, Maswayo a Supa.

<sup>83</sup> Ki babakai baba utwisia sani, mu nanule mazoho a mina. Halu boneñi. Ni sepa kuli buñata bwa bona ki kopano ya luna ye zwelela mwa sibaka sa kwanu, muteeleze. Haiba ha ku cwalo, libuka lika zwa cwanoñu fa, kuama tuto ye. Luna ni libuka, libuka zeñwi ka Yona cwale.

<sup>84</sup> Jesu, mwa palo ya luna, u lu mema ku kutela kwa simuluho, kwa kalabo ya niti ya Mañolo.

<sup>85</sup> Cwale, fani ha Na buzizwe taba ye, ne kuna ni lika zepeli ze ne talimwa. Baprisita ne ba ize ku Yena, “Kana muuna wa kona ku lukulula musala hae, ni ku nyala usili, ka taba kaufela?”

Mi Jesu ali, “Ne ku si cwalo kwa simuluho.”

Mi se bali, “Mushe na lu lumelelize kuñola liñolo la telekano, ni ku mu leleka ka sika kaufela sa ba bata.”

<sup>86</sup> Ki ha bulela, “Kuli, Mushe na ezize sani kakuli,” Ni tuhela kuli sani si nwele fa nako nyana, “bakeñisa kutatafala lipilu kwa mina; kono kuzwa, kamba kwa simuluho ne ku si cwalo.” Ki puzo!

<sup>87</sup> Puzo ya kacenu, sina ya kozo ya lifasi, “Kana i taha ka litaba za naha nji, tamahano ya linaha, swalisano?” Ni li ku mina, batili. Zani kamita libile lipalelw, mi lika palelw hape. Kono ku siyezi kalabo ya niti kwa puzo, “Kana ku kaba kozo mwa lifasi nji?” Eeni, sibi ha si ka takulwa kuzwa mwa lifasi, ku kaba kozo. Kono kufitela nako yani, hakuna kuba kozo; “naha ika lwanisana ni naha yeñwi, mi mubuso uka lwanisa mubuso omuñwi.” Mulimu na file mulyani wa sibi. Muteeleze ka tokomelo cwale. Mulimu na file mulyani wa ku takula sibi mwa lifasi, kono mutu wa lifasi mubu hakoni ku amuhela mulyani wa Mulimu.

<sup>88</sup> Mulimu na lufile mulyani ni nzila ya ku nyala basali ba luna ka yona ni mwa ku pilela ni bona, kono mutu hakoni ku amuhela mulyani wa Mulimu, halati ku amuhela Linzwi la Hae ka zona. Jesu na bulezi cwalo. Mi se si lu hupulisa ka—ka Manzwi a Hae, ka kuziba kuli Na ize, “Lihalimu ni lifasi li ka palelw, lika fela, kono a Ka hana ku fela.”

<sup>89</sup> Puzo ki kuli, kalabo ya niti yeo Jesu abata kuli lu kutele ku yona, ki ku kutela kwa simuluho. Mi, kwani ikaba mwa Genese, kakuli linzwi la kuli *Genese* ki kauhanyo ya kucala kwa puzo kaufela mwa Bibele. Mi kamita mu lukela kukutela kwa mulaho kwa peu kuli mubone mufuta wa peu yainzi mwa simu, kuli mufumane seo limela za mina likaba sona. Cwale, ki mufuta mañi wa peu ye calilwe? Genese, kakuba kauhanyo ya peu, ne lu ka kutela kwa Genese. Jesu u lu zibahalisa kwa Liñolo lani,

“kwa simuluho.” Cwale, muhupule, kwani kona ko ne ku kalezi nako. Ku sikaba kale sani, neli Kuyakuile. Cwale, puzo ya luna fani neli kuli, mulemuhe, kambe ne lu ka kuta kwa simuluho.

<sup>90</sup> Cwale musike mwa latehisa se! Mi lani kona libaka le Ni batela ku bulelala ka kuiketa, ili kuli sicaba kwande fa mihala, ni kuli tepu i yo bulela ona cwalo ka ku utwahala hande.

<sup>91</sup> Haiba Jesu naize kuli, “Mu kutele kwa simuluho,” neku na ni fela lika zepeli-zepeli za lika kaufela mwa lifasi. Ne kuna ni Adama alimuñwi, Eva alimuñwi, ne ba kopanyizwe ki Mulimu anosi. Mbongolo iliñwi ya sitole, yeñwi ya poho; kañoti kalikañwi ka musali, kakañwi ka muuna. “Kwa simuluho,” sina mwa Na lu bulelezi, neku na ni fela siemba sa zepeli-zepeli mwa lika kaufela. Ki niti yeo nji? [Puteho ili, “Amen.”—Mu.] Konakuli, lu fumana kuli lika kaufela “kwa simuluho” ne li zamaya mwa swanelo ye petehile ni kutwano ni Mulimu, ne kusina sene si zwile mwa nzila.

<sup>92</sup> Liki kaufela mwa lihalimu lisainzi mwa sikuka; linaleli kaufela, mamonyi a mwa mbyumbyulu, lizazi ni maseli amañwi kamukana, lika kaufela liinzi mwa swanelo ye petehile. Iliñwi isa shenya fela, ya kona ku lyanganisa buiketo kaufela.

<sup>93</sup> Cwale muteeleze. Kana mwa bona nji? Kulyangana kulikuñwi ku sinya buino kaufela! Cwale, fani libupiwa za batu hane li zamaeleta ni Mulimu, ka muuna alimuñwi ni musali alimuñwi, musali yo na ezize sibi mi za nepela buino bwa lifasi kaufela kwa buse bwa ku zamaeleta ni Mulimu. Kabakaleo, linzwi lililiñwi ha li ekezwa kwa Buka ye, kamba Linzwi lililiñwi ku zwiswa ku Yona, si nepela Mukreste kuzwa mwa zwelopili ni Mulimu, linepela keleke kwa buse bwa zwelopili ni Mulimu, linepela lubasi kuzwa mwa zwelopili ni Mulimu. Mulumeli kaufela wa kona ku nepelwa kwande, ka ku sa amuhela Linzwi la Mulimu.

<sup>94</sup> Mi, neli musali ya na tisize kauhano ya lapa le li lateha. Ne si Kerubimi ye ne katalize lifasi. Ne si Adama ya na nepezi lapa kwande. Ne si sika sesiñwi kaufela se ne si nepezi lapa kwande, kono musali, Eva. Mi ki kona kwanu ko kuize “kwa simuluho,” kuli Jesu na bulezi ka zona, kuli ne li lobehile. Jesu naize, “Kwa simuluho, Mulimu na bupile muuna alimuñwi, musali alimuñwi, mwa mufuta kaufela.” Mi cwale musali yo... isifñi mbongolo ya sitole, isifñi nja ya musali; kono musali, na lobile zwelopili ya ku sebeza kwa Mulimu mwa lifasi, ni ku nepela lika kaufela mwa lifu. Ki musali, isifñi muuna, na lobile tumelelano. Na lobile tumelelano, kakuli (kiñi?) na silile museto wa Linzwi la Mulimu. Cwale, haiba na lobile bulikani bwa hae ni muuna hae, na lobile bulikani bwa hae ni Mulimu; konakuli, kakuli na lobile bulikani ni Mulimu, na lobile cwalo ni ku muuna hae.

<sup>95</sup> Mi ha mu loba sepiso ya mina ni bulikani bwa mina kwa Linzwi la Mulimu, sani kona se si tisanga ma membala ba mwa

keleke babañata ba mwa bunyazi, kakuli sikuwata sa batu si kopani hamoho ni ku bulela kuli, "Ku lukile, Ne li sa talusi *sani*," mi si nepela kopano kaufela kuzwa mwa zwelopili ni Linzwi. "Halu lumeli Zani. Mualafi Jones na bulezi kuli Ne ku si yo cwalo." Kono haibile fela Mulimu na bulezi kuli Ku cwalo, Na ize, "linzwi la mutu kaufela libe buhata, mi a Ka abe a Niti!" Fani kona fo li lobela zwelopili.

<sup>96</sup> Cwale lwa bona, ka kuba kuli zwelopili i lobilwe, kona kuli Bupilo ni bona ne bu lobilwe, hape ni nako ne i lobilwe, bulikani ne bu lobilwe, lika kaufela ne li lyangani! Ki sikamañi sene si tisize zani? Ki musali. Sani kona sene si lobile bulikani. Cwale, haiba mu bata kubala sani, mwa kona ku si bala, Genese 3.

<sup>97</sup> Cwale, neli kuli muuna abuse musali, ka Linzwi la Mulimu. Musali na sa likani ni muuna ni hanyinyani. Na likana ni yena mwa sibupiwa, mwa ziba; kono, fani ha na lobile Linzwi la Mulimu, Mulimu na bupile muuna kuli abuse musali. Genese 3:16, haiba nji mu bata ku iñola. Na sa likani ni muuna ni hanyinyani. Na li mulobi wa Linzwi la Mulimu.

<sup>98</sup> Kikuli ha mu boni nji, "musali," yena, ona keleke kwanu? Mulobi wa Linzwi la Mulimu, zani kona ze ne mu nepezi kwande a zwelopili. Mi sani kona se i ezize keleke, ni ku nepela lifu la moyo mwa taba kaufela. Cwale mi u ka utwisisa libaka le Ni tiyela hahulu fa lika ze mo Ni evezanga. Ki Niti! Ye ki niti ya Bibele.

<sup>99</sup> Mulemuhe, ki kabakalañi hana ezize taba yeswana sina ye; musali yomunde, yani ya latiwa, na ka ezezañi cwalo?

<sup>100</sup> Ne ni boni siswaniso nako yeñwi, Na sepa neli mwa Greece, sa muswanisi yomuñwi yana swanisize siswaniso sa Eva. Nali sika se si sabisa hahulu ku ze mukile mwa bona. Sani si bonisa seo ngana ya butu ikona kutalima. Kono, musali na si cwalo; nali yomunde, kakuli nali musali ya petehile, musali kaufela.

<sup>101</sup> Mulemuhe, ki kabakalañi hana ezize taba ye cwalo, ka kuba mwa buino bo bu pahami bwani? Nali hande ni muuna, ku likanelela ni yena. Kono kaufela lwa ziba kuli na latehisize ku likanelela kwa hae ni muuna, mi fani hana ezize sibi, mi Mulimu ali, "Muuna uka ku busa ku zwa ona fa." Cwale, ani kona Mañolo. Haiba nji mwa lata, lwa kona ku a bala.

<sup>102</sup> Ni mifa Mañolo, kacwalo ili kubulula nako bakeñisa baba lu utwela kwa mawaile mwahala na ha kamukana, kuli mukone kuipulela mina bañi.

<sup>103</sup> Mulemuhe libaka la na ezelize sani. Kana Satani na fitile cwani ku yena?

<sup>104</sup> Kana mwa ziba kuli Satani akile a likana ni Mulimu zazi leliñwi? Luli nali cwalo, kaufela zona kwanda mubupi; nali lika kaufela, na yemanga kwa lizoho la silyo la Mulimu, mwa Lihalimu, yona Kerubimi ye etelela yetuna.

<sup>105</sup> Mulemuhe libaka la na ezelize se, na si yo mwa pupo ya makalelo. Ha yo mwa pupo ya makalelo ya Mulimu; yena ki sibyana se si pangilwe ku zeñwi. Kabakaleo, "kwa simuluho," sina Jesu hana swanisisa teñi, musali na si sibupiwa sa makalelo sa Mulimu. Yena ki sibyana se si pangilwe ku muuna, mi Jesu na swanisize sa kwa "simuluho."

<sup>106</sup> Muhupule, Adama nali sibeli sa za buuna ni za busali, mwa pupo ya makalelo, alimuñwi, kono niteni na kono niteñi na kauhanyize likupo.

<sup>107</sup> Mulemuhe, kono sibyana se si pangilwe ku zeñwi, mi, mulemuhe, iliñwi wa libupiwa za Mulimu, kwa lifolofolo ni lika zeñwi kaufela, neli yena fela yana bupilwe ka nzila yani. Zeñwi kaufela za sisali ne li inzi mwa sibupeho sa zona sa makalelo. Zeñwi kaufela za sisali ne li inzi mwa buino bwa zona bwa pupo ya makalelo, kono Eva na siyo mwa siyemo sa makalelo. Mwabona, sani ne si na ni ku pangiba ka nzila ona yani. Luka fita ku zona kasamulaho nyana. Mulemuhe, mwa pupo ye yana li ku yona, isiñi mwa buino bwa pili, kono ki sibyana se si zwile ku zeñwi. Mi mwa pupo ye, kuna ni . . .

<sup>108</sup> Cwale ha Ni lati ku holofaza maikuto a mina, kono Ni bata ku mi bulelala Niti. Mi muine fela mwali kukuza; mu eza hande.

<sup>109</sup> Hakuna se si bupilwe kuba ka bupumi hahulu cwalo, sina musali ya li wa bupumi. Haku koni kuba sika si sili fela; hakuna se si bupilwe kuli si be ka mukwa wani.

<sup>110</sup> Hape, hakuna se si kona ku pumiwa ka bunolo sina musali. Cwale, kuwa ku paka kuli pulelo ye ki ya niti, kuwa kwa simuluho.

<sup>111</sup> Na siyo mwa pupo ya makalelo kwa simuluho. Na li ku Adama, kono isiñi mwa buino bwa sisali, yena kasibili, kwa simuluho. Na pangilwe kuzwa ku se si bupilwe.

<sup>112</sup> Cwale, hakuna se si bupilwe se si kona kupuma, ni ku pumiwa, ka bunolo sina musali. Hakuna sika ku ze bupilwe kamba ze kona ku ikusufaza mwatasi sina musali. Munahane cwale. Hakuna ku ze bupilwe, mwa pupo kaufela, se si kona ku ikusufaza sina musali mwakona kubela. Wa kona ku pazula pilu ya muuna mwa liemba-emba kufita sika kaufela ku zeli mwa lifasi, ki musala hae. Mutuhele kuli musali yomunde ya nyezwi yani akale ku mata mata ni muuna usili; mutalime mutu yani yainzi ni bana ba hae, miyoko isuluha mwa meeto a hae. U pangilwe kuba ona cwalo. U pangilwe kueza se. Hakuna nihaiba kulube, hakuna nja, kamba hakuna nihaiba folofolo isili, ye bupilwe sina yena kamba ye kona ku ikusufaza sina yena mwakona ku kusufalela. Cwale, yani ki niti.

Ka likute kwa likezeli za ka, Ni bata fela kuli mu lemuhe.

<sup>113</sup> Hakuna folofolo yekona kuba ka ku sa ipuluka. Mu biza nja kuli ki ya "muzwezi," nja ya musali, mu biza ya muuna . . .

kulube kuli “ngili,” kono buiswalo bwa yona bu fitelela limaili ze eza ma milioni amañata kufita buñata bwa ba bapali mwa Hollywood. Cwalo musali kona mwa bupezwi kuli a kusufale. Hakoni ku... Munahane fela ka se cwale. Hakuna sika mwa lifasi, se si ezizwe mwa pupo ya Mulimu, se si kona ku tokwa buiswalo, ku ikusufaza hahulu cwalo.

<sup>114</sup> Mu li, “Libelela fa muzuzu, ‘muuna’!” Lu ka fita ku zona. Musali una ni ku bulela kuli “eeni.”

<sup>115</sup> Mulemuhe, hakuna se si bupilwe kuli si kusufale hahulu, kamba kuba kusilafala, kwanda musali. Nja haikoni kueza sani, kulube ya musali haikoni kueza sani, nyunywani haikoni u keza sani. Hakuna folofolo ye si na buiswalo, kamba mane haikoni kuba, kakuli ha i sika bupiwa kuba cwalo. Kulube ya musali haikoni kuba ye sina buiswalo, nja ya musali haikoni kuba ye sina buiswalo. Musali ki yena fela ya kona kueza sani.

<sup>116</sup> Cwale mwa bona kwa na ile Satani? Mwabona? Kono ni teni usali cwalo, ki yena yana ni mata a ku bulela kuli “eeni” kamba “batili.” Mwabona, ku itingile neku la bata ku ipeya ili yena. Mwabona? Cwale fa lwa kona ku bona hande peu ya noha, kone ikenezi. Kuna ni fela sibaka silisiñwi kwa na konile ku ya. Haiba nji seo hasina ku utwahala, konakuli yomuñwi ki sibofu. Mwabona? Mwabona, nana ni kuya kwani.

<sup>117</sup> Mulemuhe, libaka leo lifolofolo hane li si ka eza cwalo, folofolo ya musali, ne lili mwa sibupeho sa zona sa makalelo. Kono musali na si yo mwa sibupeho sani sa makalelo. Cwale lu ka kutela ku pumbula taba ye, mi ni ku mi tisa kwa lizazi la kacenu, mwa Testamente.

<sup>118</sup> U bupilwe cwalo, anosi, ka kupila ka kusilafala ni ku sa kena. Nja haikoni, mi hakuna zeñwi za sisali ze kona. Ki musali fela ki yena ya kona. Nja kamba lifolofolo zeñwi, ki hañwi ka silimo, mi sani ki ka kubata limbututu; isiñi ka munyaka wa ku kopana, kono ki ka limbututu. Kulube ya kale ya musali, nja ya musali ya kale, ki hañwi mwa silimo, nako iliñwi, sani ki ka limbututu za yona. Kono musali kwateni yena ubupilwe kuli ki nako kaufela ya lakaza. Ni na ni litaba zeñwi ze swailwe fa cwale; mwakona ku nahana ze siyezi. Nja haikoni; musali wa kona. Ni sepa kuli Moya o Kenile upatulule ku mina litaba zeñwi ze Ni swaile fa.

<sup>119</sup> Ki yena fela sibupiwa sinosi, sibupiwa sa sisali, ya bupilwe ka bunde hahulu kufita muuna. Hakuna sibupiwa sesiñwi mwahala lika kaufela. Libupiwa zeñwi kaufela za Mulimu zende ki za baana, sina mwa lifolofolo, linyunywani, ni zeñwi cwalo, kamita za baana kona zende.

<sup>120</sup> Mutualime kwalata yetuna ya kale, manaka amande amatuna, siyemo se situna; ni kwalata yenyinyani, ye ishuwile ya musali. Mutualime mukombwe omutuna womunde ni mafufa a ona a mande; ni ka nasikuku, kaka fubelu ka kanyinyani. Mutualime

linyunywani, mukombwe ni nasikuku. Kiñi, kiñi hane kuli cwalo, mwa libupiwa za Mulimu kaufela? Sibupiwa kaufela, ku za baana kona ko kuna ni zende. Mwahala lingu, mwahala li-li likulube, mwahala limbongolo, mwahala sika sesiñwi kaufela, kamita ki ze tuna za baana kona zende, ni mwa linyunywani.

<sup>121</sup> Kono mwahala libupiwa za batu, ki musali ki yena yomunde, isiñi muuna; haiba u ba ya cwalo, kuna ni se si fosahalile, kuna ni lipeu ze zwakani kokuñwi. Ka kukala ki nzila yani. Kiñi, kiñi hane ku ezizwe? Ka kupuma. Mupangi wa hae, Satani, u sa beleka ku yena, mwabona, mwa mazazi a maungulo aa.

<sup>122</sup> Mutuhele ni yemele fani fa nako nyana. "Bunde!" Kana mwa ziba, kwa sinyeho ya makalelo, kwa buse bwa linaha, za lifasi, kamba lifasi ko liya ko likuwa, neli ka musali yomunde? "Fani bana ba bashimani ba Mulimu hane ba boni bana ba basizana ba batu kuli ki babande, ba ikungela basali." Ki niti yani kana?

<sup>123</sup> Kikuli mulemuhile zwelopili ya bunde kwa basali mwa lizazi le nji? Ni boni siswaniso sa Pearl O'Brien, yana lukela kuba musali yomunde hahulu mwa naħha, ka nako yeñwi. Hakuna nihaiba musizana ya likani mwa sikolo se kono na ba fitela kwahule, hane lu ka taha ku za bunde.

<sup>124</sup> Zwelopili ya bunde bwa basali i bonisa nako ya bupumi. Ki lili fo keleke ikile ya bonahala hande hahulu kufita mo i inezi kacenu? Lika kaufela li ngungahani ka butuna, miyaho yeminde ye mituna, ni ma milioni a se ni ma milioni a *sani*. Kana ha mu boni nji, "musali," bupumi!

<sup>125</sup> Cwale, hakuna se si kona ku kusufala sina yena, mi ubupilwe cwalo kuli a pumange. Mi Satani usweli ku belekela ku yena kacenu, mwa mazazi a maungulo aa, kakuli ki yena mubaakanyi wa hae. Na kona ku bonisa sani cwale. Ku kutela hape kwa simuluhu, yana kalile ku mu kabisa, Adama kamba Satani, Mulimu kamba Satani? Mwabona, yani ki yena mubaakanyi wa hae. Ki pafa ya hae yetuna kuli akenye muuna mwa masila a hae, kakuba musali yomunde, wa kona ku lyanganisa muuna mwa mufuta kaufela wa bata. Muzwale, ha ki sibaka sa manwelo a bucwala kwanu se si kona ku nga muuna; ki musali yomunde ya zamaya mwa mukwakwa, ya itobaka yena muñi, kutina ze kuswani. Sani kona se si ezahala... Yani ki yena mupumi ona fani. Mi ki yena ukenwi ki zona luli, ki sibulai mwa niti. Mwakona ku ni buza ka za Satani ha ba mubaakanyi wa hae, kono yani kona Niti. Satani na mu kabisize. U sa ezanga ni cwale.

<sup>126</sup> Mutuhele ni mi bonise sesiñwi mwa Mañolo. Ni lukela ku mi kutisa kwa Mañolo, mi tuyendeke milelo ya mina kuya ka mo mu ibonela kacenu.

<sup>127</sup> Satani ki yena ya cocomelize bunde bwa mufuta wani. Haiba lu ka lemuha, nali yena yomunde hahulu mwahala Mangeloi a Lihalimu. Ki niti yani nji? Mi a lakaza kueza Lihalimu kuba le

linde hahulu kufita mubuso wa Mikaele. Ki niti yani nji? Hape, ku bonisa kuli Kaine nali mwana hae, na file milapelo yende hahulu ni kufita, a kabisa katala ka hae ka miselo ni mapalisa, ni zeñwi cwalo. Kana ki niti yeo nji? Bunde! Sibi ki se sinde, se lu biza bunde kacenu. Mi sibi sa puma, ka bunde. Hamukoni ku ni hanyinyani ku talima musali ya zamaya mwa mukwakwa ni ku bulela se sili mwa pilu ya hae. Mwabona? Kono Ne ni bata ku bulela litaba ze ili kuli mubone libaka leo Satani abezi mu baakanya wa hae. Yani ki niti luli, mwana hae luli na pakile cwalo, Kaine. Cwale, ki yomunde konakuli wa kona kupuma.

<sup>128</sup> Lifasi ki lelinde konakuli la kona kupuma. Ni talusa *kosmos*, muezezo wa lifasi. Ki le linde kuli likona kupuma, libaka zetuna zende mi za mbombolelwa.

<sup>129</sup> Muhupule mupolofita, Amosi, fani hana tile ni ku to talima mwa munzi, mi a u bona sina Hollywood ya kacenu, meeto a hae amanyinyani a kale a ba a masisani, mwatasa milili yani ya limbi mwa sifateho sa hae. Mi a ya kwani ka Liñusa, mi a Li kutaleza mwa sibaka sani. Ki hali, “Yena Mulimu ye mu ipapata ku sebeleza, uka mi yundisa!” Yani ki niti.

<sup>130</sup> Sibi ki sesinde. Ba swanisanga Judasi inge cakolwa yomuñwi ya kozwi kwande kwanu fa mukwakwa kokuñwi, mi mulomo wa lepelela wali kutala linzi mwateni, ni zeñwi cwalo, sina Judasi. Judasi nali yomunde, ya tiile, lihata. Ha ki mutangana yani yo mulukela ku tokomela, ha ki muuna yani wa kuli (mulimi wa kale) ya tahanga atinile obolosi, yo mulukela ku tokomela ku musala mina; kono ki yani ya butali-tali, yena ya shapukile.

<sup>131</sup> Sibi ki se sinde kwa meeto a lifasi, kono Mulimu a yo mwa bunde bwa mufuta o cwalo. Kana mwa ziba cwalo? Mulimu ufumahena mwa buino sakata, buino bo bunde.

<sup>132</sup> Mwa Bibele, Isaya 53, haiba mubata kuñola Liñolo lani. Lina ni likalulo za Mañolo ze ñozwi fa kwa matuku a yona. Isaya 53, Bibele i bulezi ka Mulena luna Jesu, kuli, “Nekusina bunde kuli lu Mu lakaze. Mi lwa talimisa lipata za luna ku sili ku zwa ku Yena.” Kana ki niti yani nji? Ne lusika Mu lakaza, kakuli Na si yomunde. Yena mwendi nali mutanga yo munyinyani, wa maheta a yemi, wa sifateho se si fubelu, mi Na sa lakazisa kuba mueteleli. Na sa bonahali sina mueteleli. Na bulela sina batu fela ba mwa mikwakwa, ni zeñwi cwalo, sina batu mo ba evezanga, batu baba sina kabubo, kacwalo Na si ka bonahala inge kuli Na li caziba yomutuna, ya itutile, yomunde, ya tolile hande, ni lika kaufela. Nali fela Muuna ya swana sina babañwi. “Nekusina bunde ka Yena, kuli lu Mu lakaze.” Na zamaile kukena ni kuzwa mwa batu, ona cwalo fela, mane ne ba sa zibi Yo nali Yena. Na si ka bonahala sina mulimu ha na zamaya, sene lu ka hupula kuli neli mulimu. Kono, niteñi, Nali yena!

<sup>133</sup> Kana mulemuhile fani Mulena Mulimu hana ize ku—ku Samuele kuli, “Zamaya kwa ndu ya Jese mi u yo toza alimuñwi

wa bana ba hae ba bashimani, kuba mulena, kuli ange sibaka sa Saule”?

<sup>134</sup> Cwale, batu ne ba ketile Saule, fani Samuele hana ba bulelezi kuli basike ba eza cwalo. Na bulezzi kuli, “Mulimu halati kuli mube ni mulena; Yena ki yena Mulena mina.” Mi ali, “Kana Ni kile na bulela sika ku mina, ka Libizo la Mulena, kono konji ze bile li ezahalile? Kana Ni kile na mi kupa masheleñi kamba sesiñwi, sisili, kuli ni pilele fateni?”

<sup>135</sup> Mi ba alaba kuli, “Batili, wali kuba ulu kupe masheleñi. Mi kaufela so no bulela, ka Libizo la Mulena, si i italelelize. Kono luna lu bata mulena, ni hakuli cwalo,” kacwalo ba keta Saule. Mutualime seo lifasi li ketile! Mutualime seo Isilaele na ketile! Isilaele, ya tozizwe ki Mulimu, ne ba ketile muuna ya nana ni toho ni maheta fahalimwa muuna kaufela mwa naha; sinata, yomutuna, yomunde, mutangana yana bonahala hande, mi yena kamita nali nzi mwa oli.

<sup>136</sup> Kono Mulimu ali, “Ni ka mi ketela mulena ka kuketa kwa Ka.” Kacwalo ki Hali, “Samuele, Ha nina kuku bulelela kuli ki ya cwani, kono zamaya kwateni. Ki alimuñwi wa bana ba bashimani ba Jese.”

<sup>137</sup> Mi Jese, musala hae, ni babañwi ba kubona kaufela ba talima kwa ni kwa, bali, “Eeni, mwana luna wa luna yomuhulu fateni, yena ki mutuna, yomutelele, muuna yomunde, uka bonahala hande mwa kuwani ya bulena. Yena u talifile. U itutile. Yena ki muuna yomunde. Ni ziba kuli ukaba fela hande. U bulelanga manzwi a hae hande.”

<sup>138</sup> Hane ba mu tisize kwande, Samuele anga lunaka lwa oli ni ku yo mu katanyeza. Mi ali, “Batili, Mulena u mu hanile.” Kacwalo aya inza shetumuka cwalo, kwa bana ba sikisi, mi Mulena a hana mañi ni mañi wa bona. Ki hali, “Kikuli hakuna yomuñwi nji?”

<sup>139</sup> “Oh,” ki hali, “eeni, kuna ni alimuñwi, uinzi kwande kwani usweli kulisa lingu. Uinanga fela ona kwani inza liza lipina, ni ku li opela, ni kuhuwa, ni kuzwelapili. Kono, yena una ni maheta a nanuhile nyana mwa halimu, mushimani ya bonahala bufubelu fa sifateho, hakoni ku swanelo bulena.”

<sup>140</sup> Ki hali, “Zamaya u yo mutisa.” Mi Davida ha na tilo bonahala mwa meeto a mupolofita, mupolofita a kitima ni oli mi a yo mu sela yona kwa toho, ali, “Yo ki mutoziwa wa Mulimu.” Ha ki bunde; kono buino. Mulimu utalima fa buino.

<sup>141</sup> Mutu utalimanga fa bunde bwa nama. Bwa puma. Mi ki kabakaleo musali na filwe bunde bwani, ka kupuma, kuli apume. Musali yomunde, haiba nji ha itusisi bunde bwani mwa nzila yende, ki sikuto ku yena; sani sikona ku mu sindeketa kwa lihele kapili kufita sika kaufela se Ni ziba. Haiba nji uka... Haiba nji uka ba yomunde, luli, haibile uka pilia ni muuna hae mi a eza se si lukile, sani—sani ki se sinde. Kono wakona kunga ona buino bo

bu swana bwani, mawi, ka mwa kona ku pumela ka bona, kakuli ne bu filwe ku yena kuli aeze cwalo.

<sup>142</sup> Mulemuhe, cwale, kono Mulimu u fumaneha mwa buino sakata. “Nekusina bunde kuli bwa kuli lu lakaza Jesu,” kono kanti nekusina mutu ya swana sina Yena, mwa lifasi.

<sup>143</sup> Cwale lu fumana cwana, kacenu, kuli ona—ona buino sakata, Satani ni sikhwata sa hae, ba talimanga fa likeleke, zende zetuna, lika zende. Zani kona zeo lifasi litama kacenu. “Oh, ki bo mulisana, nako ye tuna ya *kuli-ni-kuli*, wa *kuli-ni-kuli*, wa swanela suprisita ni za bumulimu, ha zamaya, mwa mikano yemituna yani, ni lika ze cwalo.” Ba biza zani kuli kona bunde.

<sup>144</sup> Kono baba kenile ba Mulimu ba niti ba talimele fa buino sakata bwa Linzwi le li pakilwe.

<sup>145</sup> Sani kona sene ba ezize baba kenile mwa lizazi lani, fani hane ba boni Jesu. Na si sesiñwi ha na talimwa, kono ne ba boni kuli Mulimu nali ku Yena. Ne ba boni kuli Mulimu nali ku Yena.

<sup>146</sup> Ki kabakaleo kuli, Joabi ni baika babañwi bani ni Davida, mutangana ya nali yomunyinyani wa kale, kono ne ba boni kuli—kuli neku na ni muuna ku yena. Ne ba boni kuli Mulimu nali ku yena, mi ne ba zibile kuli na taha ku to ba mwa puso ka zazi leliñwi. Bona... Yomuñwi na ba bulaezi mizwale ye ketalizoho ya Goliati, ali mutu anosi. Yomuñwi na bulaile baana baba mianda ye milalu; fani basali hane ba yanga manawa a mulalelo, mi mpi ne se iile kwande, mi yena anga mukwale ni ku bulaya baana baba mianda ye milalu, Mafilisita. Buino sakata! Kiñi? Ne ba inzi bukaufi ni Davida. Ne ba ziba kuli tozo neili fa halimwa hae, mi ne ba zibile kuli na taha mwa puso.

<sup>147</sup> Siswaniso se si petehile sa Keleke kacenu ye ka yema ka Linzwi! Lu ziba kuli I ka nyakisiswa. Lu ziba kuli Ikaba mwa puso zazi leliñwi. Nihaike inge kuli Saule... Mi nali muyambaeli kuzwa mwa linaha zeñwi ze siyezi, kono ne ba zibile kuli na taha mwa puso. Lu ziba kuli Wa taha mwa puso, ni yena, kacwalo lunga ona Linzwi lani ni kuyema ona fani, hakuna taba kamba si ka lwala sikamañi. Haiba nji lu lukela ku lemaka Mafilisita, kamba kutulela mwa musima ni ku bulaya tau, sina yomuñwi mwana ezelize, lwa ya ni hakuli cwalo, kakuli ki zona... yani kona nzila ya tomile Mulimu kuli kube cwalo. Lu bata buino sakata.

<sup>148</sup> Cwale mwa kona ku ni buza kuli, “Kiñi ha Na mu lumelelize ku bupiwa cwalo?” Hani lati kunga nako yeñata hahulu, kakuli Ni nani zeñata hahulu za ku bulela fa. “Kiñi,” puzo ya kona ku taha ya kuli, “ki kabakalañi Mulimu hana bupile musali cwalo? Kiñi ha Na mu lumelelize kuba cwalo?” Neli ka kulata kwa Hae Kasibili. Luli.

<sup>149</sup> Cwale haiba mubata ku apula mwa li Bibele za mina fa muzuzu fela, ha lu apuleñi mwa Maroma 9, fa muzuzu fela, ni mi bonise taba yeñwi, ka mo Mulimu a evezanga lika ze, haiba mwa

bata ku—ku ibala. Mi lwa kona ku bona fa sa ezanga Mulimu ka tato ya Hae Luli. Maroma 9:14.

*Cwale lu ka liñi?*

*Kana kuna ni ku sa luka ku Mulimu? . . .*

<sup>150</sup> Kanti ha Na ketile Isau, kamba Jakobo ni ku hana Isau, mane kusina nihaiba alimuñwi wa bashimani bani kuli apange buiketelo, yena kasibili, nihaiba yomukana wa bona; mane ba si ka pepwa kale, basali bwa mba ya maa bona, Mulimu na bulezi kuli, “Ni toile Isau, mi Ni lata Jakobo.” Mwabona? Kiñi?

*Kakuli naize ku Mushe, Ni ka utwela butuku yo Ni ka utwela butuku, mi Ni ka ba ni makeke ku yo Ni ka ba ni makeke.*

*Konakuli kanti ha ki . . . ku ya lata, kamba . . . ya mata, kono ki Mulimu ya bonisa sishemo.*

*Kakuli liñolo li ize ku Faro, Ki yona taba yene Ni ku tiselize kuba yona, kuli Ni bonise mata aka amatuna ku wena, ni kuli libizo laka li bubane mwa naha kaufela.*

*Kabakaleo yena . . . (cwale mutualime fa) . . . kakuli yena . . . sishemo ku ya ka ba ni sishemo, mi yo a lata wa mu tatafalisa.*

*Cwale u kali . . . ku na, Kiñi he cwale ha . . . fumana bumaswe? Kakuli ki mañi ya hanile tato ya hae?*

*Batili kono, Mawe wena mutu, ki wena mañi kuli uzekisane ni Mulimu? Kikuli pizana ye bupilwe ikali ku ya i bupile, Kiñi ha u ni ezize cwana?*

*Hanili mubupi wa lizupa una ni mata fahalimwa sibupiwa, kwa lizupa leli swana u eza sibyana sesiñwi sesi kutekeha, mi sesiñwi se si sa kutekehi?*

*Ku cwani haiba Mulimu, alata ku mi bonisa buhali bwa hae, ni ku zibahalisa mata a hae, ku itiisa . . . ka pilutelele ni sibyana sa buhali se si swanela ku sinyiwa:*

*. . . kuli akone ku zibahalisa bufumu bwa kanya ya hae kwa sibyana sa sishemo, ili sa lukiselize kanya kuzwa kwa simuluho,*

<sup>151</sup> Cwale mukanane ni Sani fa nako nyana. Mulimu na ezize sani! Nana ni ku ipanga ka nzila yani. Ne ina ni kuba fani. Cwale muteeleze cwale mwendi ka mizuzu ye ketalizoho, Ni bata ku bizeza kutwisiso ya mina ku sesiñwi.

<sup>152</sup> Mulimu ki sikamañi? Mulimu ki wa Kuyakuile wa yomutuna. Kwa simuluho, ka foo mane ku sikaba kale ni simuluho, mane Na si nihaiba Mulimu. Kana mwa ziba cwalo? *Mulimu* ki “sibupiwa se si lapela,” mi nekusina sika sa ku Mu lapela. Na pilanga anosi.

<sup>153</sup> Mi ku Yena neku na ni milelo. Mulelo ki sikamañi? Ki muhupulo. Cwale mu ka utwa se si ka tiisa tuto ya busihu bwa kacenu. Mulemuhe, Yena neli milelo ya Hae yene li ku Yena.

Cwale, ku Yena neku na ni za kuba Ndate, ku Yena neku na ni za kuba Mulimu, ku Yena neku na ni za kuba Mwana, ku Yena neku na ni za kuba Mupulusi, ku Yena neku na ni za kuba Mufolisi. Mi lika ze kaufela fa li bonahalisa fela milelo ya Hae. Hakuna se si zwile mwa nzila. Mu nahana kuli Mulimu na si ka bona mafelelezo kuzwa kwa makalelo? Kaniti, Na boni. Hakuna se si zwile mwa nzila, ki ku bonahalisa fela milelo ya Hae.

<sup>154</sup> Cwale, Na si ke aba ya *lukile* mu aeze mutu kuli awe. Na nani ku mu beya fa mayemo a likanelela, a tukuluho ya kuketa, kuba ni keto ya hae, kono inza ziba kuli uka wa.

<sup>155</sup> Cwale, Ha koni kuba Mupulusi kwanda kuli sesiñwi si latehe. Ha koni ku ba Mufolisi kwanda kuli yomuñwi wa kula. Likaze ne lina ni kuba ona cwalo. Mulimu na li pangile ona cwalo kuli milelo ya Hae ye mituna i bonahale. Kambe ne ku si cwalo, Na si ke kuba Mupulusi. Kono lu ziba kuli Na li yena, mane ni hane kusina nako, Na li Mupulusi. Na li Mupulusi, kona kuli ku swanezi kuba sesiñwi sa ku lateha. Kana ku ka ba cwani?

<sup>156</sup> Mi haiba U nga ni ku si latehisa, kuli akone fela ku si pilisa, konakuli hakuna ku luka mwa katulo ya Hae. Na si ke kuisa mutu kwa lihele, mi abe ya lukile. Una ni musa, bunolo, niti, busepahali, mi Ki Muatuli yomutuna. Mwabona, Na ka sebeza ka ku itwanisa Iliyena.

<sup>157</sup> Kacwalo Na nani kubeya mutu kwani, ni ku mu eza kuba ni tukuluho ya kuketa, kuli cwalo, ka kuziba kuli, na ka wa; mi kipeto mutu, mwa sibupeho sa Hae Luli, na ka wa cwani? Cwale mwa bona sina Liseli la musihali njii? Kacwalo, Na nani kupanga sibyana kuzwa ku ze bupilwe, sika sene si zwa kwa pupo ya makalelo. Cwale mwa si bona. Mwabona? Cwalo kona mo mu tahezi. Mwabona? Mi, sani kona sene si wile. Na si ezize, ka kuziba kuli ne si ka wa. Mi si beilwe mwa mazoho a Satani, kuba sibyana se si sa kutekehi. Kukateleha ku beilwe kai kacenu? Mu nahane ka zona. Mulemuhe ka tokomelo cwale.

<sup>158</sup> Mi hape, kiñi hana bupilwe cwalo mi isi sina libupiwa zeñwi za sisali, kiñi musali ha na bupilwe cwalo mi isi sina libupiwa zeñwi za sisali? Hakuna ni haiba iliñwi ya za sisali ye bupilwe sina cwalo. Hali yo cwalo, kacenu. Ha li koni. Ka ku sa bupiwa cwalo, hakoni kueza cwalo. Kiñi ha Na si ka panga musali yo kwani, kuba musali, kuswana fela sina basali za sisali zeñwi, kuli abe fela ka nzila ye swana, na ka pepanga fela bana ba hae? Mi abe ni muuna hae, ni kupila; mi ha kutaha nako ya kuba ni mbututu, kona aba ni mbututu wa hae. Kiñi, kiñi ha Na si ka mu panga cwalo?

<sup>159</sup> Hanikoni ku bulela manzwi aa. Mi mwa utwisisa se Ni ambola ka sona, njii cwani? Haiba mwa utwisisa, muli “amen.” [Puteho ili, “Amen.”—Mu.] Eehe. Mwabona? Kuna ni basizana ba banyinyani baba liteni mo, ni bashimani ba banyinyani, mwabona. Kono mwa ziba, lifolofolo lina ni kutaha kwa nako

yeñwi mwa silimo, ni ku palisa, mi kipeto ku felile. Kono, haili musali, ki nako kaufela. Mi kiñi ha Na mubupile cwana?

<sup>160</sup> Cwale mutualime mulelo wa Hae o mutuna ha u patuluha, halunze lu zwelapili cwale, ka kupetahala fela mo ku lukela ku petahalela. Ne ni sa zibi se konji ka zazi leliñwi.

<sup>161</sup> Kiñi ha Na si ka mu panga cwalo kwa simuluhu, sina zeñwi za sisali za Hae? Kakuli ne kusike kwaba hande ku Yena. Yena ki Sibuba sa kukena. Lani kona libaka ha Na tuhelezi Satani kuli amu swale, sa ka kulyangana. Sibupiwa se sikona kuba cwalo, ne kusike ku swanelu ku Yena, kuya ka mwana bupezwi kwa makalo.

<sup>162</sup> Misebezi ya Hae kaufela ya Na ezize, kwa makalelo, i zamaya mwa zwelopili. Misebezi ya hae kaufela ya makalelo neili mwa zwelopili. Nja ya musali, nja ya muuna; mwabona, komu ya sitole, komu ya poho; lika kaufela li mwa zwelopili. Pupo kaufela i mwa zwelopili. Peu i shwe, ikene mwa mubu; kuswana fela sina lifu, ku pumbekwa, zuho. Mununo ukena mwatasi kuzwa mwa kota, iwisa matali a yona, a yo kuta isaho ka zuho ya matali a manca. Mwabona se Ni talusa? Liki kaufela, sibupeho kaufela, sa Mulimu, kaufela li mwa zwelopili, ku iliñwi; mi ki ye iliñwi ye zwile mwa zwelopili. Zebupilwe kuli mane halikoni kueza sibi. Munahane! Pupo ya makalelo, ya Mulimu, hali koni kueza sibi.

<sup>163</sup> Oh, kana ha mu boni cwale, mwa mubonelo wo fa, kulyangana kwa keleke? Sika sapili neli Linzwi la Mulimu! Hakuna sibi ku Mulimu. Mwabona se Ni talusa? Ki se fa sibupiwa sene sitilo ba teni ka kulyangana. Mulimu ukaba ni Keleke, kono mutualime fa sika se si sikami seba nani kwande kwanu.

<sup>164</sup> Mulimu una ni muuna ni musali. Kono, musali yo, mwabona, lisupo za teni luli li bonisa hande sene sili mwa muhupulo wa Mulimu. Lwa kona kutanda hola yetezi, kamba zepeli, ni ku si shetumuna. Musali... Na ezize sibupiwa se ka mukwa ona wani, Na ezize sibupiwa ni ku mu fetula kuli Satani akone ku mu swala, mi a eza cwalo. Ni teni u sa mu sweli. Neku kaba hande hana ka matela kwa Sifaphano, sina muuna, ni yena.

<sup>165</sup> Mulemuhe, libupiwa kaufela li zamaya mwa zwelopili. Kambe Na bupile musali mwa pupo ya makalelo, kambe ne ku si ke kwaba sibi, kakuli na si ke kueza cwalo, na si ke kueza cwalo. Yena ki lyanganisi ya pupo ya makalelo.

<sup>166</sup> Kacwalo sibi kaufela ki kulyangana kwa Niti ya makalelo! Buhata kiñi? Ki Niti ye sikami. Boozwa ki sikamañi? Ki keto ye lukile ye sikami. Kacwalo kuna ni sibupiwa se si lyangani, yani kona taba ye lyangani fani. Mi taba kaufela i peletelwa kuli s-i-b-i, yali kuina ona fani. Ki kabakaleo puzo yateni ki yetuna hahulu.

<sup>167</sup> Ki siemba silisiñwi fela, siñetana, se si ketuhile ku muuna, sa ku mu puma ka sona; Mulimu na ezize cwalo, ona fa u li pakile. Sani kona sa na bupezwi.

<sup>168</sup> Musali ya sina buiswalo kona nto ye mwatasa hahulu ku ze kona ku nahaniwa, mwa lifasi. Mu ni swalele ka se, basizana ba banyinyani. Hakuna sali sona kwanda kuba singongolo sa ku yumbela masila, mwa ku sela mata a buuna. Sani kona sali sona, musali ya sina buiswalo, ki singongolo mwa ku sululela mata a buuna, ki masila, ili koo kusa kena, masila, ze nyenyisa, masila a swabisa a sululelwa ka yena. Kanti na bupezwi sikamañi cwana? Bakeñisa bupumi. Sibi kaufela se si kile sa ba mwa lifasi ne si tiszwe ki musali.

<sup>169</sup> Mi mutikitibi ya zwa kwa Chicago, wa—wa musali na ñozi taba ye, ya za mapokola; kuli ne ba sweli kumatisa, mwa United States, muña naha ya United States, kuli “Mapesenti a nainte-eiti a bu bulai kaufela bone bu kile bwa ba teni mwa mufuta kaufela, mwa United States, ne kuna ni musali mwa teni kamba kwa mulaho wa yona.”

<sup>170</sup> Cwale Ni bulela ze kaufela, kuli ni fite fa taba iliñwi kwa mafelelezo, kuli mubone butata bwa teni.

<sup>171</sup> Na bupilwe kuli a pumange, sina mwa na ezelize ku Adama kwa simuluho, ku mu bulelela kuli muselo no tabusa, ni zeñwi cwalo, ku mu puma ni ku mu zusa mwa Linzwi. Cwalo kona mo i ezeza keleke kacenu, taba yeswana.

Kono he, kasamulaho wa sani, na bile mubusi wa hae, kuli a mu buse.

<sup>172</sup> Cwale ki shutano mañi mwa lizazi le, mwa lizazi le la bupumi. Mwa sibaka sa ku ba mubusi wa hae, musali sa bile mulimu wa hae. Niti, wa mu busa. Cwale mwa kona ku utwisisa hande se Ni bile ni tiiseza fateni. Ka bunde bwa hae ni tamaiso ya kusomana ya hae, sibupeho sa mibili wa hae ne si filwe ku yena ki Satani, sibyana se sizwa ku ze bupilwe sa na ezize Satani, u lumilwe ku to puma bana ba bashimani ba Mulimu. Mi wa kona ku isa babañata kwa lihele kufita sika kaufela sa nani Satani. Yani luli ki niti.

<sup>173</sup> Ni ambola ka za ku sa ipuluka cwale, isiñi mina likezeli. Lu ka mifa sibaka sa mina, sibaka se si lukile, mwa mizuzu ye likani, mwa Linzwi la Mulimu mo. Neli mwa mulelo wa Mulimu kuzwa kwa simu—simuluho.

<sup>174</sup> Cwale ka kueza se kacenu, ki mañi mulimu wa United States? Mwa hupula mwa tabernakele lilimo ze fitile, Ne ni kutalize ka sona? Mulimu wa lizazi la kacenu le, musizana yomunyinyani yainzi fani ni yana ni mipende cwalo, ni ndelesi ye hohezwi fa halimwa mañwele a hae, ni lika zeñwi cwalo. Se nili, “Mubone mulimu wa mina!” Mi yani ki niti, u fumaneha fa papazo kaufela, uinzi mapunu licika. Uinzi mwa mukwakwa, ka mukwa o swana.

<sup>175</sup> Ki sibelekiso sa Satani, “kuzwa kwa simuluho,” Jesu na bulezi. Mwabona? Lubona kuli ku cwalo nako ye, mi “kuzwa kwa simuluho,” ni Sa sweli ku bulela ka sona.

<sup>176</sup> Cwale, mahedeni ne ba mu ezanga kuba mulimu, (kana mwa ziba cwalo?) mulimu wa musali. Luli ki mwa na bezi. Ne ba mu panga kuba mulimu wa musali, kakuli ne ba na ni likezo za kusomana mwa milapelo ya bona. Neba bulelanga kuli, “Nali mubupi. Mwa mba ya hae na lwezi peu mi a bupa.” Bwani ki buhata. Kuna ni fela Mubupi alimuñwi, yani ki Mulimu. Kono mwa hupula Paulusi kwani? “Diana, wa kwa Efese,” siswaniso sa licwe, bali, “mulimu wa musali wa Lihalimu, yana nepezwi fasasi.” Kana ha mu boni milapelo ya bahedeni mo i inezi?

<sup>177</sup> Mi luna, kusina kuziba se, sa kutela kwa milapelo ya bahedeni hape, kwa basali, ona sibupiwa luli se si mwatasi hahulu mwa lifasi, kulapela musali! Uka lyanganisa muuna ka mufuta kaufela wa bata. Mi kusina kuziba, bunde bwani kaufela bwa kwande, lihele lani li inzi mwahali. Solomoni naize, “Yena, minyako ya hae ki minyako ya lihele.”

<sup>178</sup> Cwale lu bona hande fa sana bulezi Jesu mwa Sinulo, kauhanyo ya 2 ni tumana ya 15, ka za tuto ya Nikolai, kutaha kwa ku hohana kwa keleke yani kuswa mwa Linzwi.

<sup>179</sup> Hape lwa kona ku bona fa, handende, litukiso ze, ze sina bumulimu, ze tokwile ngana ze luna ni fa televishini, za macanci a Hollywood. Lwa kona kubona masila a tolopo ye, sina banana ba, basizana baba nyinyani ba kale banze ba zamaya kafa ni kafa mwa mukwakwa kwanu, ni tuapalo to tunyinyani, tuapalo to tu kama, banze ba minyauka, mane kwa bata hahulu kuli bakona ku kangela kuisa lifu. Haba zibi kuli yani ki diabolosi ya eza cwalo. Ba taselizwe ki moyo o maswe, mi mane haba zibi! Hamukoni kubona nja ya musali inge i eza cwalo, nji ku cwalo? Ha mu boni sesiñwi sa sisali kaufela kueza cwalo, mi hakuna sa muuna se si kona ku ya yona, niteni.

<sup>180</sup> Mwabona, cwale mwa bona siswaniso? Lu ka zibahaza sesiñwi mwa nako nyana fela, haiba Mulena alata.

Cwale mwa bona ma Nikolai, mwa bona tuto ya bona.

<sup>181</sup> Mu bone macanci ba banca, kona mo ba ba bizeza, ona macanci a zamaya mapunu fa mukwakwa. Ne lu yanga kwa kubuha litaba zeñwi ze si na ngana, kwa kubona mapunu. Mu kwalule fela meeto a mina, mutualimele fa mikwakwa, kipeto kona ze mu lukela kueza cwale. Taba yateni ki kuli ki mapunu. Luli. Ki sikamañi se ba evezanga cwalo? Ku to filikanya, kulika, yani kona taba inosi fela ya kona kueza ka yona. Uezanga cwalo kakuli ki masila. Uezanga cwalo kakuli ubupilwe ona cwalo. Ha lemuhi kuli ki sibelekiso mwa mazoho a Satani, sani kona sa li sona.

<sup>182</sup> Nihaiba mwa likolo za luna kacenu, ba luta likezo za kusoma. Lifasi la luna li bolile ka milapelo ya basali! Ni ziba kuli

haba lati ku lumela cwalo. Ba yema mi ba opela pina yeñwi, ni zeñwi cwalo, ka zazi leliñwi; mi kwande ni basali, banze ba kiba kiba, busihu kaufela. Mwabona? Ku lukile. Kanti, mwa meeto a Mulimu, Linzwi, ki yena ya kwatasi hahulu mwa lifolofolo kaufela za na beile Mulimu mwa lifasi. Mutualime.

<sup>183</sup> Ki kabakaleo Mulimu wa muhanisa ku luta Linzwi la Hae. Yani ki niti. Timotea Wapili 2:9-15, “Hani lumeleza kuli musali a lute, kamba ku ba ni mata mwa puso kaufela.” Mwabona? Mi hape ni Marokinte Bapili 14:34, “Basali ba kuze mwa likeleke za mina, kakuli ha ku lukeli kuli ba bulele, kono ba laezwi kuli ba kuze; hape sina ni ona Mulao ha ubulela cwalo.” Kono, kacenu, ki sikamañi se i ezize keleke? Ba mu eza kuba balisana, ba buleli, kanti Bibele ya mu haniseza mukwazo ka zona. Mi Bibele i bulela kuli, “hape sina ni ona Mulao ha ubulela cwalo,” ku eza kuli li zamaye mwa swalisanu ya zwelopili, yona taba kaufela.

<sup>184</sup> Sina fela mo ne ibezi Ngunyana, busihu bwa maabani, sona fela sibaka sinosi sa milapelo, mwatasu Mali a suluhile a Ngunyana. Ki sona sibaka fela si nosi kacenu, ku Kreste. Mukwa wa kueza ka ona ki kutaha ku Yena. Sani kona fela sibaka sa milapelo. Ne kubanga cwalo kamita. Sibaka fela si nosi kwa ku lapelela ki mwatasu Mali a suluhile.

<sup>185</sup> Kacwalo he lu bona siswaniso ka kutala sa teni ha si iponahaza ku luna. Ki yani fani. Ki kabakaleo Mulimu ha sa mu lumeleza ku luta, hana ku mu tuhelela kueza sika kaufela mwa keleke kono aine inza kuzize ka sifateho se si kwahezwi.

<sup>186</sup> Cwale kana mwabona libaka le Ni bulelezi litaba ni kueza lika ze Ni ezize, ka kuziba se kaufela mwa pili ya ka, muzwale, likezel? Na ziba, likezel, Ni... muna ni sibaka sa mina (ka nako nyana fela), ni buino sakata bo bunde bo Mulimu akona ku bupa ku mina. Kono Ni lika fela ku bulela kwa neku leliñwi, ku bonisa luli ko mu zwile, “kwa simuluho.” Jesu na lu bulelezi kuli “muye kwa simuluho,” kwa ku yo li fumana. Sani kona se lu eza.

<sup>187</sup> Cwale Ni nani ku nata fa litaba zetuna ka buñata bwa se, mi Ni sepa kuli mwa utwisisa. Mi mina sicaba baba ka teeleeza kwa tepu, Ni sepa kuli mwa utwisisa. Mukutele fela kwa simuluho. Ki ku bonisa fela kuli Jesu na bulezi kuli, “Muye, kwa simuluho, mi mu yo batisisa.” Liki kaufela, mukutele kwa simuluho. Mwakona ku bona, kacenu.

<sup>188</sup> Kiñi, batu, ba bulelanga kuli Ni toile basali. Sani si kwahule ni Niti. Ha ni ya cwalo. Ba biza kuli, “Ya toile basali!” Muhupule, ne ba bizize Paulusi kuli na toile basali. Mukutazi wa musali, ha ki kale hahulu, naize, “Oh, wena uswana sina Paulusi wa kale, za na ezanga neli ku omanyanga luna basali.”

<sup>189</sup> Ya kenile wa Mulimu, yana lumelelizwe kuñola Bibele, yona Testamente Yenca, ni ku hanyeze Manzwi a hae? Na ize, “Haiba Lingeloi kuzwa kwa Lihalimu li luta taba isili fela kufita Zeo

na Ni bulezi, Li be le anatema,” ku cwalo ni ku mukukutazi wa musali.

<sup>190</sup> Ne ba bulezi kuli Elia na toile basali. Na si ka toya basali, ku ama basali ba luli. Na sa tabeli fela bo Jezabele bani.

<sup>191</sup> Mi haiba sani si ba cwalo, konakuli ni Mulimu ulukela kuba ka nzila ye swana, kakuli Yena ki Linzwi le li tahanga kwa bapolofita. Kacwalo ilukela kuba Mulimu, ka mukwa o swana, kacwalo, mwabona, Wa ziba pupo ya makalelo, “kuzwa kwa simuluho,” Na bulezi kuli, “kuzwa kwa simuluho.” Neli bapolofita bao Linzwi ne li tahanga ku bona.

<sup>192</sup> Mi Na mu bupile bakeñisa muuna, mi isi muuna bakeñisa yena. Kana mwa ziba cwalo, kuli, “Musali na bupezwi muuna, mi isiñi muuna ku bupelwa musali”? Ki babakai baba ziba cwalo? [Puteho ili, “Amen.”—Mu.] Bibebe ya luta cwalo. Ku lukile. Na filwe sibaka ku muuna, ku sikaba kale kuwa, ku likanelela fahalimwa pupo kamukana. Kono “kasamulaho” wa kuwa, cwale fa lutisa tuto yani fateni. Kono “kasamulaho” wa kuwa, nabile mubusi wa hae, musali u lukela kukuza mwa litaba kaufela, cwale kasamulaho wa makalelo kufela.

<sup>193</sup> Jesu naize, “Ne ku si cwalo kwa simuluho.” Fani kona fo ne ku kalezi nako, fani Mulimu hana ipangile mwa pupo ya Hae ya pili. Kaufela baba utwisisa, muli “amen” hape. [Puteho ili, “Amen.”—Mu.] Kwa simuluho Mulimu na bupile fela muuna alimuñwi ni musali alimuñwi. Kono he musali na bupilwe ka kushutana kuzwa kwa lifolofolo, lifolofolo zeñwi kaufela, kwa kupuma. Cwale mutualime cwale, “Ne ku si cwalo kwa simuluho.” Na bupilwe, kambe na ka ina mwa siyemo sa makalelo, na si ke aba ni kuwa. Kono na tisize ku wa ni zikinyeho yene lobile zwelopili kaufela ya Mulimu, ni ku kenya lifu, maswabi, ni lika zeñwi kaufela, mwa lifasi. Na bupilwe ona cwalo.

<sup>194</sup> Cwale mulemuhe cwale “kasamulaho” wa simuluho, kasamulaho wa simuluho, kasamulaho nako hane ikalile; kwa mulaho kwani ne ku na ni Kuyakuile, ku felile. Mulemuhe, kasamulaho wa kuwa kwani hane ku tisizwe ki Eva, kasamulaho wa kuwa, ne ku lukela kupanga tumelelano yeñwi. Cwale se si ka mi sitatalisa, kono Ni ka mifa Mañolo apaka kuli ye ki Niti. Cwale mulemuhe kasamulaho wa kuwa, Jesu naize... Mulimu, kwa simuluho, na bupile iliñwi ka mufuta wa yona; kono cwale, kasamulaho wa kuwa, cwale lu fitelezi sani. Tumelelano ne i likanelela; kono cwale, kasamulaho wa kuwa, kuna ni tumelelano yeñwi yene pangilwe. Cwale na si mubusi hamoho ni yena, mañi ni mañi ulukela kuba ni tumelelano ye icemezi.

<sup>195</sup> Cwale halu boneñi haiba sani si lukile. Ha lu ngeni Genese 3, mi lu fumana haiba si lukile, cwale halunze lu ya kwa pili, kakuli lu bata ku ikolwisia lika ze, li lutiwe hande ni ku tisiwa hande ka niti ye lukela. Ili kuli mwendi ona fa lu kaba ni nako nyana, kakuli ha lu yo kwa hule hahulu ni mafelelezo cwale, kuli lu fite

kwa siemba sa kukwala tuto ye, ku bonisa libaka kuli *kiñi* ni kuli *cwañi* ka za litelekano, ni zeñwi cwalo. Cwale mwa Genese kauhanyo ya 3, mi lu ka kalela cwale ni ya 3, ni timana ya bu 16. Halu kaleleni fa timana ya 14.

*Mi cwale MULENA...ali ku noha, (cwale U ka i kutua), Kakuli wena—wena u ezize se, cwale u kutilwe fahalimwa makomu kaufela,...fahalimwa libatana kaufela za mwa simu; mi u ka zamaya ka mba, mi liluli u ka ca liluli mazazi kaufela a kupila kwa hao:*

*Mi Ni ka beya sitoyo mwahala hao ni musali, ni mwahala peu ya hao ni peu ya musali; mi ika pyata toho ya hao, mi wena uka luma liseto la hae. (Kona sepiso, "kutaha ka musali," yena Mesia, ku to liulula.)*

*Mi ku musali ali, . . .*

<sup>196</sup> Cwale mutualime, cwale yani kona tumelelano ni noha. Ibo, ne ba inzi fela hande sapili, kwa simuluho, kamba ku sikaba kale makalelo.

*Mi ku musali ali, Ni ka ekeza kwa butuku bwa hao fa ku pepa; mi uka pepa bana ba hao mwa butuku; mi litakazo za hao likaba ku muuna hao, mi uka ku busa, (Hakusana ku likanelela ni hanyinyani hamoho.)*

<sup>197</sup> Cwale yena ufetuzi lika, mi seli yena mubusi.

*Mi ku Adama ali, Kakuli wena u utwezi linzwi la musala hao, mi mane wa ca kwa kota, ye ne Ni ku laezi, kuli, Usike wa ca . . . ku yona: ku kutiwe mubu (isiñi kuli ku kutiwe Adama, cwale) ku kutiwe mubu ka bakala hao; uka ca lico mwa mifufuzzo ya hao ka mazazi a kupila kwa hao kaufela;*

*Liseto . . . ni miutwa lika ku tahela; mi uka ca miloho ya mwa simu;*

*Mi uka ca buhobe bwa hao ka mifufuzzo ya pata ya hao, kufitela ha u kutela kwa liluli; kakuli ki kona, ko ne u zwile: kakuli wena u liluli, mi uka kutela kwa liluli.*

<sup>198</sup> Bulikani bo bubeli. Cwale sani si kwala "simuluho," ya sa ba bulezí Jesu kuli, "Ne ku si cwalo kwa simuluho." Luna ni bulikani bu sili cwale. Mulemuhe, ki tumelelano yeñwi. Cwale kuna ni tumelelano ya sibyana sa makalelo, ni sibyana se sizwa ku ze bupilwe. Mulemuhe, kuwa ne ku tisize butata, lifu, kwa sibupiwa kaufela sa pupo, kupanga shutano mwa libupiwa kaufela. Cwale halu lemuheni sa na bulezí Jesu ka za kuli, "kuzwa kwa simuluho ne ku si cwalo." Cwale ha ku cwalo "kuzwa," fa cwale seli "kasamulaho" wa simuluho. Cwale ku na ni bulikani bwa bubeli.

<sup>199</sup> Pili neli fela tumelelano, Adama ni Eva ne ba likanelela, muuna alimuñwi ni musali alimuñwi. Cwale musali aeza sibi, mi (ki sikamañi sa eza?) ki sikamañi sene si ba kenyize mwa

lifu kaufela bona, mi Mulimu nana ni kupanga tumelelano ka sani, tumelelano isili. Ki ye fa mwa Genese 3:16, Na pangile tumelelano isili.

<sup>200</sup> Cwale lifasi kaufela li lukela ku taliswa, isiñi ka pupo ya makalelo ya Mulimu, sina kwa simuluho, isiñi ka pupo ya makalelo, kono seli ka takazo ya kusomana. Cwale sani si talimana ni “za simuluho,” nji cwani? Kwa simuluho ne ku nani fela muuna alimuñwi ni musali alimuñwi, sa muuna silisiñwi ni sa musali silisiñwi; kono fani hana silile mufunda wani ni ku tisa sibi se, cwale lifasi li lukela ku taliswa sinca hape, ka kusomana, isiñi ka ku bupa; ka kusomana. Mwabona fa fumaneha musali fani, cwale? Kono yani ki nzila yeo lifasi ne li lukela ku taliswa kacenu, ka basali.

<sup>201</sup> Lani kona libaka Jesu hana tile ka musali, ku to li kutiseza kwa makalelo a lona hape, kusina takazo ya kusoma. Yena u pepilwe ki mwalyanjo. Kono, haleluya, ku ka taha nako haku sike kwaba kusomana ni hanyinyani, kono Mulimu uka biza bana ba Hae kuzwa mwa liluli la lifasi, hape sina mo ne kuinezi kwa makalelo, isiñi kufitela ku musali kaufela; kono ka ku bupa lizupa ni zeñwi za liseli, ni za mafula a mwa mubu, U ka bupa hape sina mwa Na ezelize ku Adama ka nako ya pili. Jesu na ezize se kuba bunolo, ka Mulimu yena Kasibili kuikeza Mutu ni kutaha mwa lifasi kuli A to shwa, ka yena musali yoo. Cwale ki nako ya kutatuba, ka sibi.

<sup>202</sup> Cwale ke mubona kuli, “kasamulaho” wa simuluho, neku tisizwe taba isili. Cwale se si ka mi komokisa. Mu katezi nji? [Puteho ili, “Batili.”—Mu.] Muine fela mukuzize fa nako nyana kwapili.

<sup>203</sup> Mi cwale tumelelano ya bubeli hane ipangilwe ka muuna ni musali, ka kusomana, tumelelano yeñwi hape (isiñi tumelelano ya makalelo, kono tumelelano yeñwi), cwale ki sikamañi se si tahile mwateni? Libali, mwa lika kaufela. Konakuli, kasamulaho wa simuluho, libali ne li tile mwateni sibeli cwalo mwa batu ni mwa lifolofolo; kasamulaho wa simuluho, ona kuwa. Mulimu cwale, lwa bubeli, wa toma buino bo bunca hape, ka kusomana. Mulimu na bupile za pili kusina kusomana. Kana mwa lumela sani? [Puteho ili, “Amen.”—Mu.] Cwale seli tumelelano isili ni ze bupilwe, Wa li toma mwa mukwa usili, ka kusomana. Tumelelano ya bubeli: muuna alimuñwi, basali babañata; kwalata iliñwi ya poho, sikuwata tuna sa likwalata za litole. Ki niti yeo? Poho iliñwi, mutapi tuna wa litole, likomu za basali; mukombwe ulimuñwi, patelo yetezi liseke. Ki niti yeo nji? Davida alimuñwi, wa fa pilu ya Hae Luli, ni ba fumahali ba mianda i ketalizoho; ni bana baba mwanda bene ba pepilwe ku yena, mwa silimo silisiñwi, ka basali baba shutana, muuna wa fa pilu ya Mulimu Luli. Solomoni alimuñwi, ni ba fumahali baba eza likiti. Kono mu lemuhe cwale, ne ku si yo cwalo kwa simuluho, kono cwale ki “kasamulaho” wa simuluho. Musali

ke le a eza se, konakuli ufetuha fela kuba sali sona cwale. Mwabona?

<sup>204</sup> Davida, mulena yana yemela Kreste! Mu swale sani mwa minahano ya mina. Davida na yemela Kreste. Kana mwa lumela cwalo? [Puteho ili, "Amen."—Mu.] Kreste uinzi...uka ina fa lubona lwa hae. Mi yena Davida yo, muuna wa fa pilu ya Mulimu Luli, nana ni basali baba mianda i ketalizoho. Mwabona se Ni talusa? Davida ni basali ba hae baba mianda i ketalizoho, Solomoni ni ba hae baba wani sauzande. Mi Solomoni ki mwana Davida, mwa nama; ili ya yemela Jesu Kreste, yena Mwana Davida, mwa litaba za moyo. Kono sani ki sa nama, bupilo bwa kusomana. Bo ikaba bwa moyo, kubupiwa, kiñi, ku bupiwa. Mwabona? Cwalo kona mone kuinezi kwa simuluho, kono isiñi mwa bupilo bo lupila ku bona cwale.

<sup>205</sup> Mulemuhe, musike mwa latehisa se cwale, mu si肯ye mwa lipilu za mina. Kono hakuna ni haiba alimuñwi wa basali ba yana kona kuba ni muuna yomuñwi hape. Yena ki yena sibupiwa sa makalelo, isiñi musali. Hakuna ni yomukana wa basali ba yana kona kuba ni muuna usili hape, kono muuna alimuñwi yani na kona kuba ni basali baba likiti. Sani KISONA SA BULELA MULENA. Yani ki Bibebe. Cwale Ni kutile kwa mulaho, ni ngile nako yaka ni ku mi bonisa kwa buse kone li lakalezi, sana bulezi Jesu. Cwale ki kuli mwa si bona hande nji? Neba ka ba ni babañata...

<sup>206</sup> "Oh," mu li, "zani neli fela za Isilaele." Ki cwalo nji?

<sup>207</sup> Fani Abrahama hana ngile Sarah ku muisa kwa naha ya Mafilisita, ne ku na ni mulena kwani wa libizo la Abimeleke. Mi Sarah nali wa myaha ye mwanda ya ku pepwa, ka yona luli, kono na cincizwe kukutela kuba musali yomunyinyani mi na ezizwe bunde. Kana mwa ziba cwalo? [Puteho ili, "Amen."—Mu.] Ku lukile. Mi Abimeleke na mu bata kuli abe musala hae. Mwa hupula Liñusa la ka fateni? Abimeleke na bata kunga Sarah kuba musala hae. Kaniti nana ni mutapi wa likwata za poho iliñwi, kono na palezwi ku munga hana nyezwi ku Abrahama. Kacwalo Abrahama ali ku Sarah, "Ubulele kuli wena u, 'muzwale wa ka,' kakuli uka ni bulaya kuli akobe ku ba ni wena." Kiñi ha na si ka lindula fela Abrahama mwa naha, ni kunga musala hae ni ku zwelapili? Ne si fela mulao onoli ni balumeli, kono kwa sicaba kaufela mwa pupo. Muezalibi kamba ya kenile, una ni mulatu, muuna, kwa likezo ze. Yani neli mulena wa si hedeni. Ki babakai baba ziba kuli likande leo ki la niti? ["Amen."] Ki Bibebe, Genese, mwendi ki kauhanyo ya 16, Na sepa.

<sup>208</sup> Mu lemuhe, Abimeleke na ka munga kuba musala hae. Na tabezi hahulu hana kaba ni musizana wa Muheberu yo. Mi ki ha li, "Yo ki wa . . ." Yena ali, "Yani ki kaizela ka."

Ki hali, "Yani ki kezela ka."

<sup>209</sup> Mi Abimeleke ali, “Ni ka munga fela kuba musala ka he.” Kana mwa kona ku nahana muuna ya kona kueza taba ye cwalo? Kono na ezize cwalo.

<sup>210</sup> Mi cwale busihu bwani, hana ilo lobala, Mulena aiponahaza ku yena mwa tolo, mi ali, “Abimeleke, wenauswana fela sina mutu ya shwile.” Na sileleza sani, ona misnga ya mali a Sijuda ani kwani, mwa bona. Ki hali, “Wena uswana fela sina mutu ya shwile. Ungile musala mutu yena yo bata ku nyala yoo.”

<sup>211</sup> Ki hali, “Mulena, wa ziba busepahali bwa pilu yaka.” Ali, “Hanili u ni bulelezi kuli ki muhulwana hae ‘muzwale’? Kana ni yena kasibili ha si kali, ‘Yo ki kezela ka?’”

<sup>212</sup> Mi ali, “Ni ziba ku sepahala kwa pilu ya hao, kona libaka ha Ni si ka ku lumeleza kuli u Ni foseze.” Ki niti yeo nji? Ali, “Kutisa musala hae, kakuli muuna yani ki mupolofita wa Ka. Mi haiba nji u sa mu kutisezi musala hae... Mi a ku lapelele, isiñi muprisita wa hao. Haiba a sa ku lapeleli, naha ya henu kaufela i yongile.” Amen. Ki wani muhau o makaza. Luli. “Naha ya henu kaufela i yongile. Yani ki musala mutu, mi ki mupolofita wa Ka.” Amen. Sani **KISONA SA BULELA MULENA**. Ani ki Mañolo. Luli.

<sup>213</sup> Cwale lu fumana kuli, lifu ne litisizwe. Lifu ki makalelo a sibi sa musali, si tahile ka musali mi isi ka muuna. Ka mukwa wa kupila kwa hae, mi ki ka yena, hakutahile lifu kaufela. Mukwa wa kupepa kwa hae ki lifu. Ki babakai baba ziba cwalo? Jobo 14, haiba nji mubata ku ñola Liñolo lateni.

<sup>214</sup> Ni nani, haiba nji muka ba ni puzo ka se, Ni nani Mañolo a ñozwi fa ka sika kaufela sa taba ye.

<sup>215</sup> Haiba nji mubata kubala Jobi 14 mwani, I bulela kuli, “Mutu ya pepilwe ki musali ki wa mazazi a manyinyani, mi ki ateki maziezi.” Ki niti yani kana? “U hula sina palisa, ya kumuliwa, mi ya oma,” ni zeñwi cwalo. Mwabona? Mutu kaufela ya pepilwe ki musali, u pepwa mwa lifu ha sa taha fela.

<sup>216</sup> Kono ha pepilwe mwa pupo ya Mulimu, hakoni ku shwa; uzwa kwa Kota yeñwi yani yene liteni mwa simu ya Edeni, Kreste. Bupilo bwa Kuyakuile bu tahile ka yona Kota yani.

<sup>217</sup> “Oh,” mu li, “musali nali yena kota?” Luli. “Kihande, ba bulezi kuli, ‘Musike mwa ca kwa kota ye.’ Mulimu naize, mwa Genese kwa mulaho kwani, ‘Musike mwa ca kwa kota ye.’”

<sup>218</sup> Kihande, musali ki kota. Ki yena kota ya muselo. Mu muselo wa bo maa mina. Muselo ya mba ki mina. Yani ki niti. Mi cwale muselo wa Kota ya Bupilo, ono liteni mwa simu ya Edeni, ki Kreste. Ka musali ku tahile lifu; ka Muuna, mwa pupo ya makalelo, ku tahile Bupilo. Ku pepwa ki musali ki lifu; ku pepwa ki Kreste ki Bupilo. Mwa nopa sesiñwi nji? Ki kona kwani. Cwale mwa bona kone kuile balimu ba basali, nji cwani?

<sup>219</sup> Adama wapili ni Eva ne ba swanisa Adama ni Eva wa bubeli, mwabona, ku ekezeha. Cwale ku ekezeha kwa Adama ni Eva neli ka kusomana, ili kutaza lifasi, kono ne ku si cwalo kwa simulaho. Mulimu na ezize fela muuna ni musali, sina mwa Na ezelize mwa libupiwa za Hae zeñwi, mwabona, ka mulao, kuswana fela sina Keleke.

<sup>220</sup> Cwale ha lu yeni, ka kutilima Niti ye pakilwe ya Mulimu ye, lu tatubeni fa pata nyana, haiba mwa bata cwalo. [Puteho ili, "Amen."—Mu.] Ku lukile. Cwale se sa kona ku holofaza nyana konji ha lu ta fita kwa maungulo a sona, kono Ni mi bonisa fela Niti ya teni.

<sup>221</sup> Hakuna mukutazi ya kona ku nyala mbelwa. Kana mwa ziba cwalo? Mu bata kubala sani nji? Ku lukile, muapule mwa Levitike, Levitike 21:7 ni Ezekiele 44:22, mi I ka mi bonisa kuli muprisita na sa lukeli ku nyala musali ya swelwi fateni ki muuna usili. Mufuta wo ki wa Munyaliwa yali mwalyanjo wa Jesu Kreste, kakuli ne ba swala Mulilo wa Mulimu, ki baprisita bene ba eza cwalo, bana ba Aruni. Haluna nako ya kubala kaufela Yona, ni kuzwa ka musihali, luna ni mizuzu ye mashumi amabeli ye siyezi. Mi bani ki bana ba Aruni bene ba swala ona—ona—ona Mulilo wa Mulimu, kacwalo ne ba sa lukeli ku nyala musali ya kile a swalwa fateni ki muuna usili. Mulimu ya sa cinci ubulezi cwalo. Ne ba sa lukeli ku nyala musali usili, mi musali yana swelwi fateni ki muuna, ku bonisa mwa mufuta fa, haiba nji mu bata kubona se, kuli Keleke ya Mulimu ya pila ikenile, ye si ka silafala, Linzwi la Mulimu, mi ha ki kopano ye swelwi ki mutu.

<sup>222</sup> Mulemuhe, halu baleni fateni. Ni bata ku mi fitiseza se. Mateu 5, Jesu na bulezzi sesiñwi fa se sili sa butokwa luli. Lu bata ku si bona, Mateu 5. Ni ñozi fa . . .

<sup>223</sup> Ni ñozi zeñwi fa za lika zene Ni ka bulela ku mutu, kacwalo ni be fela ya ka bulela fa nako nyana kwa likezeli za luna. Kono Ni bata ku—ku zwa mo ku si ka ba kale . . .

<sup>224</sup> Cwale, kezeli, Ni bata ku mi beya mwa sibaka mo Linzwi la Mulimu li mi sepisize, mi mubone he cwale kuli muine mwa sibaka sani, ni mina.

<sup>225</sup> Mateu 5:32. Ni bata kuli mu lemuhe fa, kwa ku yemela ona muhupulo o wa kuli "alimuñwi" ni "babañata." Mateu, seti- . . . Ni sepa ki Mateu 5:32, 31 ka kukala.

*Ku se ku bulezwi kuli, Yo kaufela ya lukulula musala  
hae, a mu fe liñolo la telekano:*

<sup>226</sup> Yo ki Jesu ya bulela, yena Yana li, "kuzwa kwa simulaho." Cwale mutualime.

*Kono Ni li ku mina, Nili yo kaufela ya lukulula  
musala hae, haisi . . . ka taba ya kubuka, u mu tiseza ku  
kubuka; . . . (mwabona) yo kaufela ya ka leleka musala*

*hae, haisi...ka taba ya kubuka, u mu tiseza kubuka:  
 (kiñi? u ka yo nyalwa hape) mi yo kaufela ya ka nyala  
 ya lelekilwe wa buka ni yena.*

<sup>227</sup> Mwabona, una ni muuna hae ya pila, kona kuli hakuna muuna ya swanelu ku mu nyala. Hakuna taba kamba u eza sikamañi kamba u cwani, una ni muuna hae ya sa pila, hakuna mayemo a hae ni hanyinyani. Kono, ha ki, wa muuna. "Wa mu tiseza," isiñi muuna. Mu utwisise? Mu lukela kuba ni Linzwi kuli li zamaelele mwa zwelopili. Mwabona, hakuna ze bulezi kuli muuna hakoni, kono musali hakoni. Mwabona, "u mu tiseza," isiñi muuna. Sani ki sona se i bulezi Bibebe ona cwalo kuli, "wa mu tiseleza." Ha isi ka bulela ka ku nyaza muuna kuli a nyale sinya, kono "musali." Kiñi? Kreste uinzi mwa mufuta.

<sup>228</sup> Mulemuhe, ku ñozwi kuli ha koni ku nyala sinca, konji fela mwalyanjo. Wa kona ku nyala sinca. Wa kona, wa kona ku nyala sinca haiba nji ki mwalyanjo, kono ha lukeli ku nyala musala mutu. Batili ki mbamba. Mi haiba nji u ka nyala musali ya lelekilwe, yo upila mwa boozwa, Hanina taba kamba ki ya cwani. Bibebe i bulezi kuli, "Yo kaufela ya nyala ya lelekilwe, upila mwa boozwa." Ki fo he cwale, isiñi ku leleka ko kuñata.

<sup>229</sup> Mwa bona makalelo a sika sani kwani, "kuzwa kwa simuluho," cwale? Ku nyala sinca, cwale mulemuhe, wa kona, kono musali hakoni. Sina Davida, sina Solomoni, sina zwelopili ya Bibebe kaufela, cwale, kuswana sina Davida ni babañwi ba bona.

<sup>230</sup> Cwale mu lemuhe mwa Makorinte Bapili 7:10, mulemuhe, Paulusi u laela musali ya nyezwi, ya hana muuna hae, kuli a siale asa nyalwa kamba a kutisane, isiñi ku nyalwa sinca. U swanezi ku siala a sa nyalwi, kamba a kutisane ni muuna hae. Ha koni ku nyalwa sinca. U swanezi ku siala a sa nyalwi, kono, mulemuhe, na si ka bulela sika ka muuna. Mwabona, hamukoni kueza Linzwi ku bulela buhata. "Kuzwa kwa simuluho," mulao wa kusomana ka libali. Cwale, Linzwi la Mulimu li zamaelela ka niti ni pupo ya Mulimu, ya zamaelela mwa zwelopili.

<sup>231</sup> Mwabona hakuna ni munahano oilo kwa upa, mi omuñwi uile kwa wiko, ka zeo? Mu lukela kukutela kwa Niti, kuli muzibe seo sili sona.

<sup>232</sup> Kamita kubile ona cwalo, bwani ki bulikani bwa kamita ni Mulimu kuzwa kwa simuluho. *Pili*, ku sikaba kale makalelo, kuzwa kwa simuluho neku na ni fela alimuñwi ka alimuñwi. *Kasamulaho* sibi sa taha mwateri, mi ne ku na ni muuna alimuñwi ni sikwata sa basali; li zamaya ona cwalo mwa pupo, folofolo kaufela, ni batu ni nama kaufela ki lifolofolo. Luna lu li bupiwa za mali a futumala, lwa ziba cwalo, kaufela luna, mwabona, mi kaufela zona ki zwelopili ya pupo ya Mulimu.

<sup>233</sup> Kono cwale bakeñisa kuli Maswayo a kwaluhile, Moya wa Niti wa lu isa kwa Linzwi. Sani sa toloka hande libaka

hakubile mafosisa mwa masika kaufela, kakuli Maswayo na si ka kwaluha, Se ne si si ka patululwa. Ki niti.

<sup>234</sup> Mulemuhe, mina, hamukoni kueza kuli miluti ipalelwé. Sina hane Ni kutalize ku mina maabani busihu ka za muluti fafasi, u lukela kutaha hande ka swanelo. Ku kona cwani kuba muluti wa tou o taha fafasi, mi kipeto ku shokomoke muuna, yo musisani atahe ku to ba tou, kamba tou ibe kaana, ka kanyinyani kaka otile?

<sup>235</sup> Cwale kambe ne mu ka lemuha fela mwa mufuta.

<sup>236</sup> Cwale, kuna ni musali wa niti, musali wa niti, mwalyanjo, ya nyalwa ku muuna hae, ni kupila, mi u ba ya fuyozwi ku muuna yani. Haiba nji Mulimu na ka fa mwana Hae sika sesinde kufita musali, Na ka mu fa sona sani.

<sup>237</sup> Kono musali ubupehile kuba kezo ya kusomana, mi hakuna folofolo yeñwi ye bupehile cwalo. Hakuna sibupiwa sesiñwi mwa lifasi se si bupehile cwalo. Lani kona libaka ha mubona libali, bakeñisa ona zani. Sani kona sene si li tisize mwateni.

<sup>238</sup> Cwale mutualime, mwa patisiso ya mafelelezo, mutualime, kuna ni Jesu Kreste alimuñwi (ki niti nji?), Muuna alimuñwi, Mulimu, Imanuele. Kana mwa lumela sani? [Puteho ili, "Amen."—Mu.] Kono lilama za Musala Hae ki zeñata, mwabona, ki masauzande ni masauzande a masauzande (ki niti yeo nji?), Musala Hae, yena Munyaliwa, yona Keleke. Mwa utwisisa cwale? ["Amen."]

<sup>239</sup> Kona ha Na ize ku Adama, mane kusomana ku sika kalisa kale kamba ku zibahala, "Muekezehe, ku ata kutaza lifasi," fani ki ha na sali kwa simuluho, fani inge asali muuna ni musali ku yena anosi. Kwani, ku bonisa cwale seo Munyaliwa una ni ku taha ka Linzwi, ka ku ekezeha kwa moyo, ku ekezeha, mwabona, kutaza lifasi.

<sup>240</sup> Cwale mwa kezo ya kusoma, mwabona, mihupulo ina ni litaba ze kopami. Kacwalo hamukoni ku eza zani, mu lukela ku li kutiseza kwa Niti ya zona, "kwa simuluho."

<sup>241</sup> Mi kwa mafelelezo kuka taha Mulena Jesu alimuñwi, ni Munyaliwa wa Hae yo muñata, buñwi. Mwa utwa kana? Neku nani Davida alimuñwi fa lubona lululuñwi, mulena alimuñwi (wa fa pilu ya Mulimu Luli) ni basali baba mianda i ketalizoho. Jesu u nza li fa Lubona lwa Hae, haleluya, mwa Mileniamu, ni Musali; sina mo ne kuinezi kwa simuluho, ku bupiwa kuzwa mwa liluli, ka lizoho leli Mata la Mulimu, mwa zuho, ya lilama zeñata. Ki fo he cwale.

<sup>242</sup> Basali, muikate kuba sani, mutahe mukene ku Kreste, kona kuli hamuna kuba mwa bunoi bwa masila kwande kwani. Kono ibile fela mu ba membala wa keleke ya lika kupila ka buiswalo ni ka bunde, mina bañi, hamuna ku kona. Mane ni yena muuna hakoni ku kondisa kwanda Kreste. Sina Paulusi hana kile

abulela kuli, "Kono ba bali ku Kreste, hakuna muuna kamba musali." Kaufela bona ki nto iliñwi.

<sup>243</sup> Kono fa ku utwisisa taba ya *Linyalo Ni Telekano* ye hande, kuli muzibe sene si lukile ni sene si fosahalile, cwale Wa bonisa mo mwa mifuta ye. Kuna ni Kreste alimuñwi; mi lilama zeñata za Musali yani. Mulemuhe, Yena wa kona ku lu leleka ka boozwa bwa moyo ni ka tuto ya buhata, ka nako Ya lata kaufela; kono ki wena mañi kuipuma ku Mu leleka, mi usila unzo kondile? Muuna wa kona ku leleka musala hae ni ku nyala usili; kono isiñi musali ku leleka muuna hae ni ku nyalwa ku usili. Mwabona miluti kaufela ni mifuta fani kuli ya zamaeleta hande? Mwabona pupo ya makalelo; isiñi ye zwile ku ze bupilwe kai kamba kai. Isiñi keleke; kono Munyaliwa ka Linzwi. Ha ki musali; ki muuna, ka nako kaufela. Ki kabakaleo ha inyazi muuna ha eza cwalo; kamita ki musali. Yani ki niti.

<sup>244</sup> Kono musali wa kona kuba Munyaliwa wa Kreste, ka kuba... Mi muhupule, yena ka kuba siemba sa muuna, Bibele i bulezzi kuli wa kona ku... "Ni hakuli cwalo ha Ni lumeleza musali ku luta, kamba ku hatelela mata a puso kaufela, kono aine ka kukuza. Kakuli Adama na bupilwe pili, mi kona kutaha Eva. Mi Adama ha si ka pumiwa, kono ya zwile ku ze bupilwe a pumiwa. Ni hakuli cwalo u ka piliswa *haiba* atundamena mwa kukena ni ku iswala, ni mwa ku pepa bana, ni zeñwi ze cwalo kaufela," kakuli fo ufetuha siemba sa muuna yo. Sani se si tisa...

<sup>245</sup> Kiñi kanti Abrahama... Kiñi Mulimu hana si ka bulaya Sarah hana sa inzi ona fani, ku latula, ni kupuma fa pila pata ya Mulimu? Kuina fani sina Mutu wa nama, inza ca nama, kuca sinkwa, kunwa mabisi, mi ki Hali, "Kiñi Sarah ha sehile kwa buse kwani," kwa mulaho wa Hae, mwa tende, Na si ka mu bona kale fateni, "inza bulela kuli, 'Kana lika ze lika konahala cwani'?"

<sup>246</sup> Ki hali, "Ha ni sika bulela cwalo!" Uh-oh, mawi, ku bulelela Mulimu kuli Ki lihata, fa meeto a Hae? Kono Na si ka mu nga. Kiñi? Ki siemba sa Abrahama. Amen. Na si ke ku mu holofaza kusina ku holofaza Abrahama.

<sup>247</sup> Cwale mina basali mubone ko mu wela. Mi Bibele iize, "Mina basali mube sina Sarah mwana inezi, yana tinanga mwa liapalo ze kutekeha, apila ka ku sepahala ni ka niti ku muuna hae, inza mu lata hahulu kuli mane... na mu bizanga kuli ki 'mulena,'" hae mubusi, muña sika.

<sup>248</sup> Ni mina, basali babañwi, baba apala liapalo ze nyenyisa ze ni kuzwela kwande ku to ipitisa fapila muuna. Jesu naize kuli, "Yo kaufela ya talima musali ka ku mu lakaza u sa mu bukile kale mwa pilu ya hae." Cwale ki mañi ya fosize, ki muuna kamba wena? Yena ki muuna, ubupilwe ona cwalo kuli a nge kezo ye cwalo, mwabona; mi wena u musali, ya lukela ku hana.

<sup>249</sup> Mi ki sikamañi se mu yelanga kwande cwalo? Ha ki kubata mbombolelwa, mwa ziba kuli ha ku konahali, kanti mane mu batanga ku kangela kwa silami mwa tuputula twani. Mwabona, haikoni kuba mbombolelwa. Kona kuli ki sikamañi sani? Ki za masila! Ha mu itumeleli, kono ki Bibele ye bulela cwalo. Ki Niti. Ki moyo o masila o li ku mina. Ha mulati kuba ni masila; kono ha mu lemuhi, ka moyo mutezi masila, kakuli mu iponahaza mina kasibili kuba masila.

<sup>250</sup> Cwale, muuna, mañwele a hae, a kale, a tezi masila, abonisa ku sa utwa mi hana si ke kutina litino ni hanyinyani, neku sike kupanga shutano ni ye kana, mubili wa hae ha u kenyi mwa miliko. Kiñi? Nali mwa sibupeho sa makalelo, buino; bu lukela kuba teni, mwabona. Kono, wena u zwile ku ze bupilwe, ya tiseleza babañwi muliko.

<sup>251</sup> Mulimu, ube ni makeke! Oh, mawi, lifasi la sibi le! Ni ka tabela ha li ka fela.

<sup>252</sup> Mulemuhe, Yena wa kona ku leleka musala Hae ka nako kaufela Ya bata, kono musali hakoni ku Mu leleka; Wa kona ku ni eza cwalo, Wa kona ku ni nepela mwa mubu ka nako kaufela Ha lata kueza cwalo, kono, oh, muzwale, mbwesha Ni si ke kulika ku Mu nepela kwani, Ni yundile.

<sup>253</sup> Solomoni na kona ku nyala musali kaufela ya na si ka nyalwa, na kona ku nyala musali kaufela yana itakaleza ku nyala. Muprisita na kona ku nyala fela musali ya nali mwalyanjo. Solomoni . . .

<sup>254</sup> Sina Davida, na nyezi (neli mañi libizo?) Abigali. Ibo, neku nani muuna yana bizwa “sikuba,” nana ni musali yomunde, mi na shwile. Mi Abigali na nyezwi ku Davida; nali mulena, isiñi muprisita, mwabona, kacwalo kiha—kiha inyalela.

<sup>255</sup> Kono muprisita na sa lukeli kueza cwalo, kakuli na sweli kamba kunga musali kuba musala hae yana bile musala mutu fateni. Kacwalo sani si bonisa bwalyanjo bwa Keleke ya Mulena Jesu Kreste, Munyaliwa uka ba ya si ka zwakana, ibe Linzwi, kusina nihaiba Linzwi lililiñwi le li ka tondahala. Kaniti. Kana mwa kona ku nahana kuli munyaliwa ya i ketile, atokwe lizwele leliñwi, mi, leliñwi, ibe sika se si fosahalile, mwa ziba? Yani hana kuba Munyaliwa wa Kreste. Ki ya petehile. Yena lika kaufela ki Linzwi, hakuna nihaiba Linzwi lililiñwi le li siyo. Batili.

<sup>256</sup> Mulemuhe, Wa kona ku mu leleka, kono musali hakoni ku Mu leleka. Na ezize cwalo, u pakile cwalo, mwa mazazi a Luther, Wesley, ni Pentekota, fani hane ba hanile kuba siemba sa Hae sa kwahule ka kuba ni kutwano ya kusomana kwa moyo kuli ba itwale siemba se si pahami sani sa Linzwi. Mwa utwisisa? Na hanile. Keleke ya ba Lutheran ne ihanezi Kreste kuba ni takazo ifi kaufela ni yona; Luther na hanile sani. Mi mutuhele ni bulele cwana, mu ka ni biza sika si sili ni hakuli cwalo; kona mo kuinezi

kacenu ku yeñwi ni yeñwi ya zona, ba palelwa kunga Linzwi lani, ba hana Kreste!

<sup>257</sup> Mi musali kaufela ya hanisa muuna ku mwana hae, hana tukelo ya kuba musala hae. Amen. Mwa hupula, mwa Bibele, fani mulena hana nyezi Estere? Kakuli mukwae na hanile, sa to munyalela fela yomuñwi. Mi cwale hane... Ki sikamañi sene si ezahalile hana hanile kuzwela fande kutaha fapila mulena ni ku to mu utwela? Ki nto yeswana ni musali ya hanelia muuna hae.

<sup>258</sup> Mi ku cwalo ni kwa keleke ye hana kuitwala mwa lusika lo lu pila ku lona cwale, kuli ipepe bana ba lusika lo. Luna ha lu ma Lutheran, ha lu ma Wesley, hape mane ha lu ma Pentekota! Lu lukela kuba bana ba lusika lo, ka kuitwala kwa Linzwi la Mulimu, kuli ba pepe Mwana wa lusika lo, Mwana wa Peu. Amen. Ni sepa mwa utwisia. Na hanile kuitwala, batili, kacwalo ki sikamañi sa Na ezize? A mu leleka, mwa telekano. Yani ki niti. Kono yena ha lukeli ku Mu leleka. Na mu lelekile.

<sup>259</sup> Na zweipili ku patulula Linzwi la Hae kwa Mubili, ni ku Mu paka, ka kuswana, ka Yena luli. Bana ba hae ba kala ku itingeta hahulu ku Yena, kakuli se Li hulile ka kutala, kamba, bafetuha bana ba Linzwi, isiñi bana ba keleke. Bana ba Linzwi! Mi Munyaliwa ukaba Kalibe ya latiwa wa Linzwi, le li sika zwakiwa, ye si ka swaliwa ki katengo ka muuna kaufela, tuto ya bulapeli ya ipangezi mutu kaufela. Ukaba ya si ka zwakiwa, Munyaliwa wa Linzwi! Amen ni amen! Ni sepa mwa utwa sani, kwande fa moyo. Uka ba mwana musizana wa Mulimu ya ka itwala.

<sup>260</sup> Mwabona mo musali ya kutekeha akona kubela? Mwabona sika se situna seo keleke ikona kuba sona, kono mwabona ko masila a mu isize? Mi mulike ku swanisisa keleke yani ni Keleke ye kwanu, hamukoni kueza cwalo. Mi mulike ku swanisisa lihule la mwa mukwakwa ni Keleke ya Mulimu ya pila; kamba musali, yena musali ya lukile, ni lihule?

<sup>261</sup> Kiñi ha kuna ni lika ze cwalo? Ki mulao wa Mulimu, mulao wa kubapanya lika. Ne lu ka ziba cwani mwa ku ikalela musihali kambe nekusina busihu? Kana ne lu ka ziba cwani kuikola buino bwa mbumbi kambe nekusina litabula? Kana ne luka ziba cwani za kuikola musali wa niti ya likute, kambe nekusina ya masila?

<sup>262</sup> Na zwezi pili ku Li patulula, kupatulula Linzwi la Hae, kono alimuñwi wa luna aipume ku Mu leleka ni ku nyala usili.

<sup>263</sup> Cwale ka niti kwa utwahala libaka leo mihipulo ye mibeli ibezi ye fosahalile. Hamukoni ku i eza kuli i zamaye *cwana*, ku felile; hamuka i eza kuli i zamaya *cwalo*, ika ikela ku siya sepiso. *Kiye* fa sepiso, *kiye* fa taba yateni. Linzwi ha li itwanisi. Li lukela kuina mwa zwelopili cwale, ha ku konahali kuli Mateu 28:19 ilwanisane ni Likezo 2:38.

<sup>264</sup> Cwale, babañwi ba ku mina basali, babañwi ba mina baana, Na—Na ziba musweli ku—ku kanana ni Lona. Kakuli, mwa ziba, hamukoni ku pata sani cwale. Hamukoni.

<sup>265</sup> Kono mutuhele fela ni mi bonise sesiñwi. Haiba Mateu 28:19 i bulez kuli, "Muye cwale, mulute linaha kaufela, mu ba kolobeze ka Libizo la Ndate, ni la Mwana, ni la Moya o Kenile," mi kipeto ba sikuluhe, ni mutu kaufela yana kile a kolobezwa na kolobelizwe ku shutana ni sani, na kolobelizwe ka Libizo la Jesu Kreste, kakuli nihaiba mwa lusika lwa Bibebe ni ka lilimo ze mianda ye milalu kasamulaho wa lusika lwa Bibebe, kwa Katengo ka Nicaea. Mi ki ha ba ikañulela lituto za bulapeli. Ki shutano mañi, haiba ha li si ka patululwa?

<sup>266</sup> Mi kana mwa ziba kuli Buka kaufela, Bibebe kaufela ka kutala, ki sinulo? Cwalo kona mo ne mu lukela ku lemuhela niti mwahala yo ni yani, kakuli Ki sinulo. Mi sinulo i lukela kuba hande ka ku zamaelela ni Linzwi, isiñi ku lwanisana ni Linzwi. Mu li, "Kihande, Ni, ne ku patuluzwi kuna." Mi cwale haiba la lwanisana ni Linzwi, konakuli ha lizwi ku Mulimu. Yani ki niti.

<sup>267</sup> Cwale haiba mu bata ku nga Mat—... Mateu 16:18. Jesu ali, Yena luli, kuli Keleke kaufela, Keleke ya Hae, ne ika yahiwa fa sinulo ya Hae kasibili, mi lani ki Linzwi. "Ni li ku wena, ki wena Pitrosi... Mi nama ni mali hakoni ku patulula se ku wena, kono Ki Ndate ya mwa Lihalimu ya patuluzwi se ku wena. Mi fa halimwa licwe le . . ."

<sup>268</sup> Cwale, Na ziba, balikani ba luna ba Katolika kwani, ba li, "Ne itomilwe ku Pitrosi, mi Pitrosi kwa bu apositola, kacwalo, *Wakuli-ni-kuli*, mwa tumelelano ya bu apositola, ku yola."

    Baipanguli ba bulela kuli, "Ne itomilwe ku Jesu Kreste."

<sup>269</sup> Isiñi kuba ya shutana, kono munge fela sa Na bulez! Na ize, "Nama ni mali ha li sika ku patululela se, kono Ki Ndate ya mwa Lihalimu kiyena ya patuluzi se ku wena. Fa halimwa licwe leo" (sinulo ya moyo ku seo Linzwi lili sona) "Ni ka yaha Keleke ya Ka; mi minyako ya lihele haina ku I nyanganyisa." Musala Hae hana ku likiwa ka baana basil. "Ni ka yaha Keleke ya Ka, mi minyako ya lihele haina ku I nyanganyisa."

<sup>270</sup> Mi Abele ni Kaine, mwa simu ya Edeni. Kaine nabile ni muhupulo wa hae anosi, na ize, "Cwale, talima, Mulimu ki Mulimu yomunde. U fahalimwa libupiwa kaufela, kuna kuli Ni ka ikungela manawa ni makwili, mi Ni ka yanga ni—ni mapalisa, mi Ni ka Mu ezeza katala kaka nde luli." Yani ki keleke. A kubamafafasi. Na lumela ku Mulimu. A lapela Mulimu, a kambeka mazoho a hae fateni, ni kufa sitabelo se. Na ezize lika kaufela za bulapeli za na ezize Abele.

<sup>271</sup> Abele na yahile katala ka ka swana. Kono cwale Abele ana tomile ka hae, atisa ngunyana. Cwale, Kaine na hupula kuli, na lumela kuli na eza swalelo ya sibi, kuli bo ndatahe ni bo mahe ne bacile muselo, sina mo ne ba latezwi mwa simu. Kono

Abele, ka sinulo ya Bumulimu, na zibile kuli neli mali ana ezize sani. Ka sinulo ya Bumulimu! Mi Bibebe i bulezi mwa Maheberu, kauhanyo ya 12, kauhanyo ya 11, kuli, "Abele, ka tumelo," (sinulo) "atahisu ku Mulimu sitabelo se sinde kufita sa Kaine, ka seo Mulimu upakile kuli na li ya lukile." Ki niti yeo kana? [Puteho ili, "Amen."—Mu.] Amen! Muzwale, kezeli, ki nto ye otolohile fela sina sika kaufela mo si kona kubela, ku na. Yani kona taba ka kutala.

<sup>272</sup> Cwale fa *Linyalo Ni Telekano*, mwabona, ilukela ku patululwa. Haisi kuli i patululwe, hamuna ku i ziba. Kono Na sepisize mwa mazazi a maungulo a, mwa lusika lo, kuli kunutu kaufela ye patilwe mwa Bibebe ika patululwa. Ki baba kai baba ziba cwalo? Sinulo, kauhanyo ya bu 10! Jesu na sepisize sani, kuli ona likunutu ze kaufela kaza—kaza *Linyalo Ni Telekano*, likunutu zeñwi ze patilwe ze kaufela zibile teni, li ka patululwa kwa nako ya maungulo. Cwale mwa hupula, Linzwi ne li bulezi kuli, "Zamaya kwa Tucson." Mwa hupula Liseli la kunutu mwa mbyumbiyulu; ona Lingeloi la bu sebene inge li yemi kwani; la kuta, ni ku kwaluha kwa Maswayo Asupa? Mu bone se si ezahalile. Yani ki niti.

<sup>273</sup> Cwale fa pata nyana fela. Kono cwale, amu teeze! Na ziba seli nako ya kuli mu yo ca, kono Ni sweli kuca fela hande luli. [Puteho ili, "Amen."—Mu.]

<sup>274</sup> Mulemuhe, cwale, musali una ni sibaka sa hae, mi ki licwe la butokwa. Solomoni, muuna yo yana bile ni basali ba teni sauzande... kamba basali ba wani sauzande, nitaluse, na bulezi kuli, "Muuna ya fumana musali, u fumanu nto yende." Na ize, "Musali yomunde ki licwe la butokwa mwa mushukwe wa hae," bwani ki buitumelo. "Kono haili ya si ka luka ki mezi mwa mali a hae," bwani ki bupilo bwa hae. Na bulezi kuli, "Kwa kona kuba muuna alimuñwi ya lukile ya kona ku fumanwa mwahala ba wani sauzande," Solomoni na bulezi cwana, "kono," ali, "hamukoni ku fumana musali alimuñwi ya lukile mwahala ba wani sauzande." Solomoni na bulezi cwalo, mwabona. Cwale mulemuhe sani, ka mo si inezi.

<sup>275</sup> Kono, mwa bona, musali, wena u—wena u licwe la butokwa haiba nji ubata kuba licwe la butokwa, kono takazo i lukela kuba ka wena. Mi mwa bona libaka kaza *Linyalo Ni Telekano* mo ne i inezi, kwani kwana supelize Jesu kwa mulaho, neli bakeñisa kuli buino bwa mina neli bwa mufuta wa sibi kaufela. Lani kona libaka libali ni telekano, ni lika zeñwi, hane li tisizwe. Kwa simuluhu ne ku si cwalo, mi hakuna kuba cwalo mwa lifasi la mwa buse.

<sup>276</sup> Mutualime ku Jakobo, ki ku yena ko ku zwile ma patriareka. Yena nana ni basali baba twelufu. Na nyezi likezeli zepeli, mi nana ni linyazi kwa matuku, ona basali ba hae ka mulao bana pila ni bona. Mi mapatriareka bani ne ba pepilwe ku bona

basali ba linyazi bani. Ki niti yeo nji? [Puteho ili, “Amen.”—Mu.] Mwabona, mu lukela kueza kuli Linzwi li zamaelele ka ku lumelelana.

<sup>277</sup> Oh, Ni na ni mapampili ka zona. Haiba nji mutu ya itutile za bulapeli haka ni buza ka zona, mi ne lu ka taha hamoho, ne lu ka ambola fateni. Kono kaniti, haiba nji una ni buino kaufela bwa za bulapeli ni hanyinyani, wa kona ku bona ona fa kuli ki Niti. Hakuna puzo ku Zona.

<sup>278</sup> Musali yomunde ki sika se sinde. Na ziba cwalo. Na ziba cwalo ka basali ba luli. Ni katani basali ba luli baba na ni niti, ka ku sepahala fela sina muuna kaufela ya kile a zamaya.

<sup>279</sup> Musali ki sibyana se si zwile ku ze bupilwe ni ka siemba sa hae, mi mwa kuwa a teezea ku yena. Ki ha sa . . . Ki siemba sa hae. Kono, ku itingile ku yena, ubupilwe cwalo kuli abe ni masila, mi ufilwe tukelo ya kuhana kamba ku lumela. Zani za lwanisana ni pupo ya makalelo kwa simuluho, mwabona, kono ki fo he cwale.

<sup>280</sup> Cwale seli twelufu kiloko, kacwalo Ni ka tula fela zeñwi fa ka mizuzu ye likani. Ni bata ku mi buza taba yeñwi.

<sup>281</sup> Cwale, muhupule, Ni bulela cwalo kwa sikhwata sa ka fela. Ni kwande fa moyo, Ni bulela cwana ku baba ni latelela fela. Liñusa le ki la bona fela, ni se Ni ka bulela fa.

<sup>282</sup> Mukutazi kaufela, yena, bani ki ba hae, eehe, ki mulisana wa mutapi, ha eze lika kaufela za bata. Ku itingile ku yena ni Mulimu. Muprisita kaufela, mukutazi kaufela, fo kuitingile ku mina, muzwale waka.

<sup>283</sup> Ni bulelela fela kwanu mwa Jeffersonville, sibaka fela sinosi se Ni kona ku bulela ze ku sona, kakuli ki mutapi wa ka. Ki mutapi wa ni file Moya o Kenile ku utwisisa kuba mutoneli wa ona, mi Uka ni atulela ka zona. Mi batu bahesu bani ba bakile kuzwa mwa buse bwa naha, bao Ni tisize ku Kreste. Mi, bana ba banyinyani, Ni teni mo ku to mi tusa, mi Ni mulikana mina. Mwakona uka nahana kuli Ni bulela ka ku mi lwanisa; Ni bulela se, mwabona, ka bunde bwa mina. Na mi lata. Mi haiba ha ku cwalo, Mulimu ki Muatuli wa ka. Mwa ziba Na mi lata.

<sup>284</sup> Ye ki taba yetuna ye sabisa, Ne ni sa zibi mwa ku i tiseza. Ki sikamañi se Ni ka eza, hani Na ni baana ni basali mwa baba inzi mwa kopano ya ka, babañwi ba ku bona se ba nyezwi habeli kamba halalu? Baana babande ni basali babande, kaufela ba kopani! Ki sikamañi se si ezize cwalo? Tuto ya buhata, kaniti, kusina ku li belela ku Mulena.

<sup>285</sup> “Sa kopanyize Mulimu hamoho, mutu asike a si kauhanya.” Isiñi sa kopanyize mutu hamoho; seo “Mulimu” akopanyize hamoho! Ha muna ni sinulo ye zwelela luli ku Mulimu, yani ki musala hao, mi taba yeswana, ki ya mina, mwa bupilo bwa hao kaufela. Mwabona? Kono sa kopanyize mutu hamoho,

mañi kamba mañi wa kona ku si kauhanya. Kono seo Mulimu akopanyize hamoho, kusike kwaba mutu yaka nyamatala ku si swala. "Seo kaufela Mulimu a kopanyize hamoho," Na ize, "mutu ufi kamba ufi asike ku si kauhanya." Isiñi sa kile kopanya muatuli yomuñwi wa cakolwa kamba yomuñwi fela, kamba mukutazi yomuñwi ya wile ni sishañata sa lituto za tumelo mwa buka, sani si kona ku ba ezisa taba kaufela mwa lifasi, mi Linzwi la Mulimu la li kuina ona fani. Mwabona? Ni bulela ka seo Mulimu a kopanyize hamoho.

<sup>286</sup> Cwale Ni ka bulela se ku mina. Ni tokomela hahulu ka ze Ni bulela ku mina. Hani bati kuba ya mi halifela mina sicaba. Hani bati ku mi halifelanga, mizwale ya ka mina balisana. Hani talusi cwalo. Kono Ni nani musebezi, ka kulemuha kuli se si beilwe mwa mazoho aka. Mi haiba... Hani koni ku Si lwala. Hani zibi mwa ku Si tiseza, mi Na ziba kuli tepu ye ina ya. Oh, mawi, Ni ka itukisa fela, ofisi ika kwaluha, kakuli ki se sa taha. Mwabona?

<sup>287</sup> Kuswana fela sina mone ku bezi ka za *Peu Ya Noha*, kono ku pakilwe hande kuli ki niti. Ni nani ma pampili kwanu, a zwa mwa mutende, kafoo basali ona fa... mane nihaiba mwa—mwa miyaho ye... Mituna ya milapelo kuna ni maswaniso a makalelo, a noha ye zamaya fa lihutu la musali, mane ni mo imu pahamela ku mu tateza; una ni mifuta kaufela ya maikuto ni zeñwi, sika sa sakoni ku mu swala ka sona muuna, ka yona noha tuna ye mu tatelize yani, ni zeñwi cwalo. Yani kona niti luli. Mi se iya isinyehela mukwazo ka ku feleleza, mane ika ba ka bumaswe luli. Noha, kanti mane ne si yona... na sike aba ni kusomana ni yena kambe na li noha, kono muhupule...

<sup>288</sup> Ne nina ni kañi zazi leliñwi ni... isiñi kañi, neli mukutazi wa kwa Assembly of God ni mubakweli wa hae, ali, "U fosize, ka Sani."

Se nili, "Kihande, Na kona kuba cwalo. Ni tabela kuli u ni bulelele."

<sup>289</sup> Ki ha bulela cwale, a zwelapili mi a kala ku bulela ka yona. Taba ya pili mwa ziba, na tilo lateha. Mi taba iliñwi yana bulezi, neli kuli, "Muzwale Branham, sikai sibupiwa sani? Mulimu naize 'ne si ipitezi.' Cwale si kai sibupiwa sani so no bulezi kuli nesili mwahala mutu ni sibatana, seo sayansi i palezwi ku fumana ni nako ye? Si kai sani cwale?" Ali, "Kana si teni mwa lifasi njii? Kana neli pombwe njii?"

<sup>290</sup> "Batili, kakuli mali a pombwe hakoni ku kopana ni a musali, hakuna folofolo isili yekona ku kopana ni yena. Batili, haku konahali, mane nihaiba ona mata a buuna hakoni ku kopana ni—ni a musali. Haku konahali kuba cwalo."

<sup>291</sup> "Cwale sikai sifolofolo sesiñwi sani? Cwale, Mulimu naize, 'Lika kaufela li tahise za mufuta wa zona.'"

<sup>292</sup> Ne ni libelezi fa muzuzu nyana. Mi bunde bwa Moya o Kenile bwali, "Mubulelele kuli, 'Ki ye.'"

Cwale, lwa pili Ni iize, “Kihande, za kona ku shutana.”

Na ize kuli, “Kono, Muzwale Branham, kuli, lu ambola ka Linzwi, nji ha lu cwani?”

<sup>293</sup> Se nili, “Eeni, sha.” Mi se Nili, “Bona, kaniti, ku bulela kuli lika zeñwi, sina bo dainosa ni—ni zetuna, ni zeñwi cwalo, zetuna, zetuna, nitaluse, ki ze shutana, ni zeñwi cwalo.” Se nili, “Ne ikaba sani.”

<sup>294</sup> Na ize kuli, “Muzwale Branham, lu ambola ka za ku nyakisisa kwa Linzwi. Haiba nji sibi siteni fa; konakuli, ona sibi sa makalelo, si lukela kuba teni fa hape.”

<sup>295</sup> Mi se Nili, “Mulena Jesu, No bulezi kuli, ‘Mu si ke mwa ikupulisa se mu ka bulela ha mutaha fapila batu, kakuli si ka fiwa ku mina mwa nako yani.’ Mulena, ki sikamañi se Ni ka bulela?” Na ize kuli, “Mubulelele kuli, ‘Ki ye.’” Ona cwalo fela sina mo Ni bonelanga lipono kwa katala.

<sup>296</sup> Se nili, “Ki ye,” ni sa zibi kuli ki kai.

Ki hali, “Kakai?”

Mi mane Ni si ka nahana mane, Yena ali, “Ki noha.”

<sup>297</sup> Sani ki sona luli sene ili sona, kakuli ha isali sibatana. Ne i kutilwe ni ku beiwa fa mba ya yona ka mazazi a kupila kwa yona kaufela. Yena uteni fa. Ki niti yeo? [Puteho ili, “Amen.”—Mu.] Mi ni mwa kezo yani yana ezize, ku sa na ni sibi se si swana si nze si beleka ku musali, sina sibupeho sa muuna cwalo. Fani kona fa na talimezi meeto a hae ni zeñwi, hana ni maikuto a hae a fitelela seo muuna kaufela akona kueza.

<sup>298</sup> Ni ka yema foo kakuli lu inzi mwa sikhwata se si kopani. Ni ka nga baana babañwi, Ni ka...luka ambola hahulu ka zona. Nina ni mapampili kaufela ni zeñwi ze liteni fa, ona mwa lizoho la ka cwale, mi Ne ni ka li tisa ku mina kakusasana cwana. Ne ni ka nga lizazi mutumbi ku se, kono Ni ka kwala cwale ka ku bulela se.

<sup>299</sup> Ye ki keleke ya ka. Isiñi keleke ya ka...Mutapi nyana o ni lumela ni ku ni latelela, se ki sa bona.

<sup>300</sup> Zazi leliñwi, ka kuziba kuli ha Ni mi bulelela taba yeñwi, ilukela kutaha ona cwalo kuli KISONA SA BULELA MULENA, mi se Ni ba ni Mañolo kuya ka mwa Na a patululezi ku na. Kono, “Mulena Mulimu, ki sikamañi se Ni ka bulela kwa puteho yani? Ni ka ba ni lifapahano. Muuna uka ina mwa makenelo a lapa ni fande mwa patelo, ni kusili fela, ‘Kana Ni mu siye nji?’ Basali, ‘Kana Ni siye muuna ka nji?’ ‘Ki sikamañi se Ni ka eza?’” Se nili, “Mulena, ki sikamañi se Ni ka eza?”

<sup>301</sup> Sesíñwi sa li ku na, “Zamaya ukambame mwa malundu, mi Ni ka ambola ni wena.”

<sup>302</sup> Mi hane Ni sa li mwa lilundu, ni sa zibi kuli kwani kwa Tucson ne ba Li bona. Kono ni haiba baluti ne ba biza bana

kuzwa...musizana wa ka yomunyinyani ni babañwi, kuzwa kwa sibaka sa sikolo, mi bali, "Mutalime kwa buse bwa lilundu lani! Kuna ni Lilu le li bonahala bufubelu le li sabisa le li kambamela mwa halimu ni kukutafafasi, kuya likambama mwa halimu ni kukutafafasi." Kanya ku Mulimu.

<sup>303</sup> Musala bo Evans, kana muteni mo nji? Ronnie, uteni kana? Ne ni taha kukutela fa kunwisa mota mafula, mushimani yo fa manwelo a mafula a limota, fa kunwiseza limota mafula sibaka sa the Evans kwani. Mi mane Ni sika ziba kale sa na ka bulela mushimani yani, a ninga ka mahutu, mi ali "Muzwale Branham, ne uli kwa lilundu lani kwa buse kwani, nji cwani?"

<sup>304</sup> Se nili, "U talusa sikamañi, Ronnie? Batili," mwabona, ku bona sana ka eza. Linako zeñata lika za ezahalanga, Hani, ha mu lukeli ku bulela kwa batu. Li ka ba... Taba yateni ki kuli, ha mubona zeñata hahulu ku ezahala, kipeto liba za sitwaelelo ku mina. Mwabona? Na ha ni bulelelangi fela batu. Se nili, "Ronnie, wena noli kai..."

<sup>305</sup> Ki hali, "Na kona ku kubonisa ona fo no yemi luli." Ali, "Ne ni bizize boma, mi se lu yema fani ni kubuha Lilu lani inge li nyendaela mwa halimu, linze likambama ni ku shetumuka. Se nili, 'I lukela kuba Muzwale Branham yainzi kokuñwi kafani. Yani ki Mulimu ya sweli ku ambola ni yena.'"

<sup>306</sup> Mi munzi kaufela, sicaba, ba talima ku Lona. Ka lizazi le li benya kusina malu kaufela ni hanyinyani, ni lona Lilu tuna le li fubelu lani linze li lepelela kwani; kushetumuka sina siitusiso sa kuselisa mezi mokuñwi, ni kukuta kwa mulaho ku ni ku hasana.

<sup>307</sup> Balikani, mi cwale Na kwala, mwakona ku zwa ka se. Fani kona fo Se hane si patululwe, se Ni ka mi bulelela cwale ona fa, musike mwa Si utwisia.

<sup>308</sup> Cwale Ni bulela kwa balateleleli ba luna fela, yena ya ni latelela ni Liñusa le, isiñi ba kwande. Mu ni hupule ka se fapila Mulimu. Ki kwa sikwata se fela!

<sup>309</sup> Cwale lu ipumana mwa masila a bakeñisa ku sa utwisia hande kwa tuto za bumuli. Kana ki niti? Ki kabakaleo mina basali baba nyenwi ni mina basali baba se ba nyezwi haheli ka nako ya bubeli, mi cwale mina baana, ka bakenisa ku sa toloka hande lituto za litumelo. Cwale Ni bata ku mi bonisa sesiñwi sa Na ni bulelezi.

<sup>310</sup> Mi haiba nji Mulimu, Mubupi wa luna, na ka buziwa puzo fani ka ha Na li mwa lifasi mo, Jesu Kreste; mi cwale mupolofita wa Hae ha natile, Mushe, kwani kwa Egepita, ku zwisa bana ba—ba Egepita, ku yo ba kenya mwa naha ya sepiro; mi ni Jesu na bulezi fa kuli Mushe na boni sicaba mwa buino bo bu cwana, kakuli buino neli kuya ka mo ne bu inezi. Mushe afumana baba cwalo, kakuba, "Mu tuhela a lukulule..." Mulimu na lu melelize Mushe, mupolofita yana lomezwi kwa batu yani, kwa ku tambeka liñolo la telekano ku bona.

<sup>311</sup> Mi mwa Makorinte Bapili, kauhanyo ya 7—ya 7, ni timana za 12 kuisa ku ya 15, mupolofita wa Testamente Yenca, Paulusi, yena yana kopani ni nto yenca mwa keleke, mi ya bulela cwana, “Ki Na yo, isiñi Mulena.” Ki niti nji? Bakeñisa litaba za litelekano.

<sup>312</sup> “Ne ku si cwalo kwa simuluho.” Kono Mushe na lumelelizwe, mi Mulimu na lemuhile kuli ku lukile. Mi Paulusi hape nana ni tukelo, fani hana fumani keleke ya hae mwa buino bwani.

<sup>313</sup> Cwale mu lumele kuli Ye ki niti, mi mu lumele kuli I zwelela ku Mulimu! Mi ni ka bupaki bwa Lilu la Hae ni Liñusa la Hae leli tisize nako ye fa, kikuli Mulimu fa lilundu a si ke ku ni lumeleza kueza nto yeswana, ki ku mi tuhelela ku ya ka nzila yeo muli ku yona, ni ku sa eza cwalo hape! Muye ni basali ba mina mi mu pile mwa kozo, kakuli nako ifelile. Kutaha kwa Mulena ku se ku sutelezi. Haluna nako ya ku tibulula lika ze. Musike mwa lika kueza zeo hape! Ni bulela fela kwa kopano ya ka. Kono haiba nji mu nyalani... Mi Mulimu uni paka ka bupaki bwa seo, fa lilundu, kuli Ne ni ka bulela Se, sinulo ye ipitezi ya bumulimu, bakeñisa ku kwalula kwa Maswayo Asupa, mi ye ki puzo mwa Linzwi la Mulimu. “Batuhele kuli ba ye ka mo ba inezi, mi basike ba eza sibi hape!”

<sup>314</sup> “Ne ku si cwalo kwa simuluho.” Yani ki niti, ne ku si cwalo, mi hakuna kuba kwa mafelelezo. Kono mwatasa buino bwa kacenu, kakuba mutanga Mulimu... Hanina kuipiza ilina kuli mupolofita wa Hae; kono Na lumela mwendi, kambe Ne ni sika lumelwa zani, Ni beya sibaka sa hae ko aka tahela. Kacwalo mwatasa buino bwa kacenu, Ni mi laela kuli mu ye kwa malapa a mina, ni basali ba mina cwale. Hauba u ya tabile ni yena, upile ni yena, mu hulise bana ba mina mwa sabo ya Mulimu. Kono Mulimu ami utwele butuku haiba mu ka eza ze cwalo ni kamuta! Mu lute bana ba mina kuli basike kueza nto ye cwalo, mu ba huliseze mwa kusaba Mulimu. Mi cwale sina hamuli mo mu inezi, halu zweleñi pili, kwa hola ya manzibwana ya mafelelezo yeo lupila ku yona, mi “lu ikataze kuya kwa pizo ye tuna yeli ku Kreste,” koo lika kaufela li ka konahala.

<sup>315</sup> Kufitela Ni mi bona busihu bwa kacenu, Mulena Mulimu a mi fuyole, halunze lu lapela.

<sup>316</sup> Mulena Mulimu, lwa Ku fa buitumelo. Lwa Ku fa milumbeko. Ki wena Jehova ya swana yomutuna yana lumelelize Mushe. Mushe, mutanga yani, mi ki sikamañi sana ka bulelela sicaba sa hae? Mi, Mulimu, Wa be wa mu lumeleza kufa liñolo la telekano. Paulusi, muapositola yomutuna yanali muñoli wa Testamente Yenca, sina Mushe mwa na inezi wa ya Kale. Mushe na ñozi Milao ni likalulo za milao. Buñata bwa bapolofita, manzwi a bona na beiwanga ku Yona, kono Mushe na ñozi Milao. Mi Wa mu tuhelela kuli alumeleze liñolo, ku ba ñolela liñolo la telekano, bakeñisa kutatafala kwa lipilu za bona.

<sup>317</sup> Paulusi Muhalalehi yomutuna, kakuba muñoli wa Testamente Yenca, ni yena na konile kufa pulelo ye cwalo yani, kuli, "Ni bulela mwatasa buino bo bu cwana; Na, isi Mulena."

<sup>318</sup> Kucwalo ni kacenu, Mulena Mulimu, kwa mafelelezo a lifasi, sina haluli fa mwatasa sishemo sa Mulimu, ka kuziba kuli cwanoñu lu lukela ku yo alaba fa Pila Hae. Ni kuli U ezize zeñata hahulu, Mulena, Na kolwa cwalo, fa pila sicaba se, ba ka kumalela ku Se inge kuli Si tahile kuzwa ku Wena. Ni ku ba ni bupaki mo kacenu, ka batu babañata baba inzi mo mane ni bene ba boni Sisupo sani fahalimwa lilundu, koo Mangeloi a Mulena natile mwa kakundukundu, kwana tile mwa Mangeloi a sebene, kwani kone ku patuluzwi Likunutu ze Sebene; mi ona Lingeloi le li swana lani, mwa sibaka se si swana, fa lilundu le li swana, ka lona lizazi le ne ku patululwa Se!

<sup>319</sup> Mulimu, Ni lapela kuli sicaba si ka kuta kwa malapa ni buitumelo kuli Mulimu u ba file muhau. Na ni ambozi fela za Teni, Mulena, ka ku lumele zwa. Mi Ni bulela fela za Teni ka ku lumelezwa, Mulena. Mi tuhela kuli sicaba si tabele hahulu kuli basike kulika kueza sani ni kamuta ona sibi sani hape! MI basike kulika kueza sibi ni sifi kaufela, kono ba late Wena ka lipilu za bona kaufela. Mulena, eza mabasi a kuba a tabile, mi ba ekezeha ni ku hulisa bana ba bona mwa sabo ya Mulimu.

<sup>320</sup> Kakuli, Liñusa la ka lene lili fa pilu yaka li bulezwi, Mulena. Ni ezize kaufela ze Ni ziba kueza. Mi Satani ubile ani lwanissa mwa lisunda, ni lihola kusina ku lobala. Kono cwale Na I laela, Mulena, kwa sicaba se, kuli ba Li balisise katata, mi baye ba pilele Wena. Lumeleza cwalo, Mulena. Li zwile fa maheta aka cwale. Li inzi mwa mazoho a Hao. Na lapela kuli U ba fuyole.

<sup>321</sup> Fuyola litaulo ze, Mulena, ze beilwe fa, za bakuli ni baba imezwi. Mi busihu bo bube bulibuñwi bwa masihu amatuna luli, masihu a mata, kuli batu kaufela ba foliswe. Lumeleza cwalo, Mulena. Lufuyole hamoho.

<sup>322</sup> Mi luye mwa kozo, tabo, lu nyakalale, kakuli Mulimu wa pupo u lu bonisize "kuzwa kwa simuluho," mi ulu ekelelize, mwa busafa mo lu inzi mo, muhau wa Hae hape, mwa mazazi a maungulo aa. O Mulimu Yomutuna mi wa Kuyakuile, ka mo lu itumela ku Wena ka zona! Mi lipilu zaluna libe ze tabile hahulu, kuli lusike lwa ba ni takazo yeñwi hape ya ku lwanisana ni Wena. Ka Libizo la Jesu. Amen.

Na Mu lata, (kiñi ha mu si ke ku Mu lata?) Na  
 Mu lata  
 Kakuli U ni latile pili  
 Ni ku leka puluso ya ka  
 Fa Kalvary . . .

<sup>323</sup> Na bulela cwale kuli bakutazi ba utwisise. Ze ki za baba latelela Liñusa le fela!

<sup>324</sup> Oh, kana mu tabile? [Puteho ili, “Amen.”—Mu.] Ni mi bulelezi Niti, KISONA SA BULELA MULENA, mwa litaba ze kaufela! [“Amen!”]

<sup>325</sup> Cwale ha lu yemeñi mi lu nanule mazoho aluna, ha lu nze lu iopela hape, “Na Mu lata.” Na Mu lata ka muhau wa Hae. Na Mu lata ka sishemo sa Hae. Na Mu lata ka Linzwi la Hae. “Mi Linzwi la Mulena la taha kwa bapolofita!”

Na Mu lata.

<sup>326</sup> A kutuhe, muzwale. Zwelapili.



*LINYALO NI TELEKANO* LOZ65-0221M  
(Marriage And Divorce)

Liñusa le ka Muzwale William Marrion Branham ne li kutilizwe lwa pili mwa Sikuwa la Sunda kakusasana, Yowa 21, 1965, ili fa Parkview Junior High School mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi ne i hatisizwe ni kuhasanyiwa ki ba Voice Of God Recordings.

LOZI

©2017 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)